

زناتي المسحراتي

للشاعر


بخيت بيومي



حقوق الطبع والنشر محفوظة

للمؤلف

ولدار الأديب للنشر والتوزيع



دار الأديب للنشر والتوزيع	اسم الدار
زناتي المسحراتي	اسم الكتاب
الشاعر الكبير بخيت بيومي	اسم المؤلف
(٢٠١٨/٣٦٢١) بدار الكتب المصرية	رقم الإيداع
دار الأديب. (إيهاب القاضي)	الإخراج الصحفي
من تصميمات الدار	الغلاف

الإهداء

سباحة فكرية... شاعرية
في الصفات الإنسانية
ومسحراتي
ببالطريقة البخيتية
مع المطرب
حسن الأسمر
نجم الأغنية الشعبية
أهدي هذا الكتاب
إلى الكبيرين
الشاعر فؤاد حداد
والموسيقار سيد مكاوي
نجما المسحراتية
في جمهورية مصر العربية
الشاعر
بخيت بيومي

المقدمة

يا عباد الله .: يا مؤمنين بالله

اصحوا للحياة..

وحدو إلا له..

اللي مالوش شريك .: في أرضه وف سماه

يا عباد الله .: اسمعو زنااتي

المولي هداه .: شغال مصحياتي

بيصحي عبد نايم

حيقوم الصبح صايم

يأدي فرض الله .: يا مؤمنين بالله

...

يا عباد الله .: أصحوا للسحور

وارفعوا الجباه .: ووحدو العفور

اللي عايشين بخيره..

ملقاش رب غيره..

واللي بنطلب رضاه..

لميت معاني الغرام من بين قاموس الكلام وجيت لكم علي طول..
علشان أقول ع الحب وأجمل قلوب بتحب أحلي وأجمل قول..
ده الحب هو الحياه والأمل يفتح طريق السعادة لو بالفلولاز مقفول..
وهوه اللي خلاني أدق ع الطبله وأنادي ع الأحباب وحلفت م اتسحر..
غلا أن لقيت الحبيب اللي يهني القلب قبل الروح ويخلي عمري يطول..

الحب غايه .: منذ البداية
خليك معايا .: ياعم شوق

...

الحب نورك .: جهز سحورك
أنا جاي أزورك .: وعندي شوق

...

والحب جنه .: وتمر حنه
بينك وبيننا .: مفيش فروق

...

أحب وأدي .: من نبع ودي
والغالي عندي .: أطلع له فوق

وأصحي للأحباب

ووجد الوهاب

...

أنا بنادي .: بقول يا هادي
في كل وادي .: الحب عالم

زناتي المسحراتي

عالم نخبه .: نزيد في حبه
واللي ما حبو .: ملهمش عالم

...

من عصر حوا .: والحب هوّه
في القلب جوه .: بييني عالم

...

عالم أمارته .: واضحة في حضارته
لو شفنا صورته .: فيها أحلي عالم



الحب بين الشعوب يجمع ما بين القلوب من كل مله ودين..
ونحب بعض بروح ولا يبقي بينا جروح ولا قلب باكي حزين..
الحب يا أهل العزل لم يزل منذ الأزل أسطوره العاشقين..
نعيمه حبت حسن وليلي حبت قيس وعبله حبت عنتر..
وورده حبت عابد وبهيه من نظرة دابت في حب ياسين..

واصحو يا عاشقين

ووجدوا المعين

الحب روحنا .: بلسم جروحنا
منين ما روحنا.: نلاقيه سابقنا

...

في كل ليله .: يجمعنا عيله
صحبه جميله .: من نفس شوقنا

...

ويخللي عبده .: من كتر وجده
يعز منا عنده .: علشان صديقنا

...

وأخويا دعبس .: يروح لجرس
ومعاه يغمس .: عسل طبقنا
ده الحب هایل .: يعمل عمایل
سوا الهوايل .: وبلى ريقنا
وأصحو يا أحباب

زناتي المسحراتي

ووحده الوهاب

الحب جامعه .: وأمه جامعه

وشمعه والعه .: والببت باتعه

ع السطح طالعاه

تسقي الحمام

والحب فرحه .: في القلب واضحه

والبنت صابحه .: بنيه سمحه

تسمعي تصحي

تنوي الصيام

...

والحاج نادي .: ساكن قصادي

وخال ولادي .: بيقول يا هادي

زي السنة دي

حنكون تمام

...

ومن سروره .: بيقيد لي نوره

وضب أموره .: وجهز سحوره

وعايزني أزوره

ابن الكرام

زناتي المسحراتي

بالحب يقوي .: ويبقي أقوي

بالغالي يسوا .: يعشق ويهوا

والحب تقوي

تحي الغرام

واصحي للغرام

ووجد العلام

موال

ياريت يا كل الناس تاخذوا المحبة أساس وتكونوا أعز أحباب
ولا يبقي فيه عدواوات وان طالت المسافات تتقابلوا بعد غياب
يصْحِي الغرام بينكم في أعتابكم يزهر الياسمين ويفرع اللبلاب
أنا بقول ياريت نعيش سوا ع الحب ونتعاهد علي الأفراح
في البعد أو في القرب في الشرق أو في الغرب نففتح للمحبة الباب.

وأصحوا يا أحباب

ووجدو الوهاب



أنا كلامي عن الإخلاص كلام من القلب نابع أحلي المعاني فيه..
خلاتي أحب المخلصين اللي أخلاصهم عمر الخيانة ما دورت نواحيه..
وأهوي المخلصين في الغرام اللي بوجدانهم دايبين سوا ف لياليه..
وأعيش مخلصين الوطن اللي أرواحهم وأهبنها فدا ترابه..
ده إخلاص المرء محسوب له بتحقق الرب أحلامه ويوفقه ف خطاويه..

اصحي يا نايم .: يا بو قلب هايم
وقول يا دايم .: افتح لي باب

...

وأخلص لدينك .: يرفع جبينك
ربك يعينك .: ودعاك يجاب

...

إخلاص يسابقك .: حتلاقي رزقك
في السكة سابقك .: يابو الشباب

...

إخلص لوطنك .: أرضك وسكنك
حتلاقي إسمك .: فوق السحاب

...

وإخلص في عملك .: حتلاقي أمك
والرزق جاي لك .: من غير حسات

واصحوا يا مخلصين

زناتي المسحراتي

ووجدوا المعين

...

واصحي يا مخلص .: يا بو قلب مخلص
دايماً بتخلص .: اللي بيخلص
م المخلصين

...

لا خنت صاحبك .: اللي مصاحبك
مخلص وحبك .: واقف في جنبك
طول السنين

...

مخلص مخنشي .: منين ما يمشي
مبين كرهشي .: بسرك مبحشي
علشان أمين

...

مخلص تمللي .: وعليه تجللي
حبطت قاللي .: حنروح نصللي
في سيدنا الحسين



إخلاص النبي كان الأصل وأحلي همزة وصل في الدعوة للإسلام..
لولاه ما كنت هدايه ولا أنهزمت جيوش الكفر ولا إتخطمت أصنام..
ولولا إخلاصنا في العلم ما كانت حضارة الأمم ولا اتحقق لها أحلام..
ولولا إخلاصنا في أعمالنا لا كان جمال ولا مال ولا كان للحياه معنى..
ده اخلاصنا هوه السفينه الأمينه اللي توصلنا بر الأمان لسلام..

واصحوا يا مخلصين

ووجدوا المعين

يا عم جمعه .: إصحي بسرعة

يا بو خطوه واسعه .: للخير بتسعي

في كل وادي

...

مخلص وعارفك .: وأنا من معارفك

في الحي شايفك .: وأحب أصادفك

وحياة ولادي

...

رمضان دليلنا .: قمر في ليننا

دايماً يجلنا .: ويقوّي حيلنا

علي الأعادي

...

ولأجل صيئك .: من بدري جيتك

زناتي المسحراتي

بصيلة رأيك .: من تحت بيتك

عليك بنادي

يا ابو التجلي .: إخلص تملي

إنزل وقولي .: حتروح تصلي

فين الليلاي

واصحوا يا مخلصين

ووحدا المعين

...

يا مخلصينه .: ياللي انتو منا

من نفس لونا .: اخلاصنا غنا

رمضان كريم

...

ياللي ضميركم .: بتزين مكانه

ويديه أمانه .: إخلص جيرانه

خالي إبراهيم

...

ده خال هويته .: مخلص لبيته

ولأهل بيته .: ولزراع غيطه

إنسان عظيم

...

إخلصه تابعه .: خلاني أتابعه

وأعرف منا بعد .: حفطني طبعه

شفت النعيم

إخلاص الحبيب لحبيبه بيريح القلب والخطر ويطول الأعمار..
يفتح طريق المحبة ياكل وصال الأحبه لو لعبته الأقدار..
ده هوه سر النجاح من البداية السعيده لما لآخر المشوار..
أنا أصلي أخلصت لجيلي وجيلي أخلص لي وأعرف قيمته الإخلاص..
وما دام القلب مخلص وأخلص لمجيبته لا تهزه قوه ولا يغلبوا تيار..



الصلح خير وخير يربط ما بينا وبين حبايبنا وبين جميع الناس..
الصلح هوّ السّماح الّلي يخلّي الجراح ترتاح والناس تروح للناس..
والميه ترجع لمجراها ما بين سيد وعبدّه وابن أخوه عباس..
تموت العداوه ما بينهم أينما كانوا مادام عايزين يكونوا أحباب..
من غير خصام أو ملام أو كلام يعكر الصفو ويغيّر الاحساس..

إصحوا يا موحدين .: بالله ومؤمنين
كل عام وأنتم .: بخير وطيبين
بالتقوي والصلاح

...

زناتي عوض زناتي .: مطرب ومسحراتي
وعشان بحب بلدي .: بنادي طول حياتي
بالصلح والسماح

...

وتعاني أصلح أوسطه .: بيقول في كل خبطه
لا عندي كلمة خارجه .: ولا كلمة ناقصه نقطه
في كلامي المستباح

...

واصحي للسماح
ووجد الفتاح

...

زناتي المسحراتي

واصحي يا شيخ صلاح .: يابو القلب البراح

قول جماع المحبة .: والصلح والسماح

صفا القلوب نعيم

ونجوم الصلح سابحه .: منظومة ف أحلي سبحه

لراجل بن خير .: مساعيه في الصلح ناجحه

بين مسحد وإبراهيم

والصلح أصله زاد .: للحب والوداد

بيخللي العزوة تكبر .: ما بين كل العباد

علي خط مستقيم

موال

قالوا الصلح خير أنا قلت ومحبه ومودة الروح يغذيها..

يدي السماحه مساحه تقوي الروابط ما بين الناس وبعضيها..

أن مالت حيطان الموده إن كان حيعدلها السماح الصلح ببنيتها..

يا كل أهل الأرض تعالوا نتعاهد علي السماح نفتح للمحبة حوار..

إن كان ما بينا صحايف عداوه تعالوا نتصالح ونتسامح ونطويها..

واصحي للأصلاح

ووجد الفتاح

أصحي يا عم ياللي .: عليك أحلي تجللي..

قوم إتسحر قوام .: وأتوضي علشان تصلي..

واسمع كلام زناتي

كلام عربي أصيل .: الصبح فيه دليل..

بيد وبـ الخلاف .: بين عبده وإسماعيل..



زناتي المسحراتي

وبيني وبين حماتي..

...

كلام القلب جوه .: حيزيد الأمة قوة
كلام عن السماح .: والصلح والأخوة
كلام شعبي وزواتي

...

كلام أجمل كلام .: مفهوش ريحه الخصام
بيأكد الروابط .: والصلح والسلام
وده أمل حياتي
واصحي للسماح
ووجد الفتاح

...

وأصحي يا حاج صالح .: يا بو القلب المسامح
في الصلح كتير بتسعي .: من غير م لك مصالح
حدا عمدته أو غفير

...

وعداوه مهما كانت .: لو حتي تارو بايت
بالصلح الدنيا تحلي .: زي ما ستي قالت
الصلح يابني خير

...

وسماحه القلب طاعة .: تقوي روح الجماعة
و ضد الشر يابني .: ترّي الروح شجاعة
في كل خط سير

زناتي المسحراتي

وأصحي يا حاج طيب .: رمضان كريم وطيب
قلبك دائماً قريب .: ولحب الناس مطيع..

...

لو جالك عم عبده .: بتروح لحد عنده
بتوصل حبل وده .: مع عم الشيخ ربيع

...

ده في شرع الإنسانية .: الصلح بصفونيه
بيكون أجمل هديه .: وبيسعد الجميع

...

موال

اللي علي ناس واهبين حياتهم للصلح والتوفيق
بيصفوا القلوب م الخصام اللي فرق ما بين شقيق وصديق
وبين جيران في الأرض علشان خلاف ما يسويش ولا يثئ
هنيالك ياللي بتصلح ما بين الناس وتوصل اللي إنقطع
تدوب جليد الغضب بالسماح والحب تفتح للمحبه طريق

وإصحي للمساح..

ووجد الفتاح..



يا جاي قول للي رايح كلام منا ع الصدق واضح من أول المكتوب..
الصدق مركب نجاتنا ونور ينور حياتنا ويثي جميل مطلوب..
واللي بيصدق في قوله لهدفه يضمن وصوله وبين الصحاب محبوب..
أهل الصراحة قالوها الكذب مش طبعنا وكما مالوش رجلين..
والصدق طريقه سالك والكذب نهايته الهالك وطريق حجر علي طوب..

اصحوا يا موحدين .: بالله ومؤمنين
وصلو ع الرسول .: الصادق الأمين

...

وأصحي ياللي نايم .: ووحد رب دايم
حعتقوم الصبح صايم .: مع كل المسلمين

...

واصحي يا حاج صادق .: من يومك وانت صادق
مع كل من تصادق .: وجارنا من سنين

...

الصدق واخده غايه .: عارفينه الناس معايا
وانا عارفك م البداية .: م الناس الطيبين

...

الصدق من أصولك .: الصدق ف كل قولك
ودايماً عند قولك .: متحبش كذايين

واصحي يا عم صادق

زناتي المسحراتي

ووجد اللي خالق

...

واصحي يا عبده أفندي .: طريق الصدق وردي
وسحورك بكرة عندي .: إنت وعبد إلا له..

...

حتبقي قاعده شاملة .: مفهاس كذب ومجاملة
ده الصدق في المعاملة .: مفيش في مستواه

...

ده الصدق في الشهادة .: والصدق في العبادة
توصل بر السعادة .: وتضمن النجاه

...

والصدق لو دليلنا .: حنقوم ونشد حيلنا
مفيش أعداء تطولنا .: ونرفع الجباه

...

ورمضان كريم يا خالي .: والشيخ مسعود قبالي
ع المدنه صوته عالي .: بيأذن للصلاه

واصحوا يا صادقين..

ووجدوا المعين..

موالي عن الصدق موال فرايحي ف جوار حي الصدق فيه مفهوم..
ع اللي يكون صادق في أعماله مركبه لو في يوم وقفت فوق البلاط بتعوم..
هنيالك ياللي تقول الصدق في شهادتك وتنقذ برئي مظلوم..
ده الصدق في القول من أجمل صفات البشر في كتابه العزيز مذكور..
ولولا صدق النبي ف دعوته مكنتش وصلت رسالته وعاشت لحد اليوم..

اصحي يا ابو إسماعين .: يا بو القول المتين..
في الشارع من سنين .: الصدق واخده زادك..

...

ولا يوم غالطت نفسك .: زناتي أصله درسك..
الصدق اللي ف مدارسك .: بتعلموا لولادك..

...

واصحي يا شيخ قابيل .: إحنا في شهر فضيل
الصدق فيه جميل .: تغذي بيه فؤادك

...

ماسك زمام لسانك .: الصدق اللي في كلامك
بتعلي به مكانك .: وتكثر خير بلادك

...

يا صادق في المعاد .: من صدقك تستفاد
وتنول كل المراد .: بجذك وإجتهاذك

واصحي للكلام

ووحده العلام

زناتي المسحراتي

واصحي يا شيخ سلامه .: ع الصدق قلت ياما

أضمن لك السلامه .: والفرح والسرور

...

وياللي صادق في طبعك .: مفيش صعب تقابلك

وتحقق كل أملك .: وتلاقي الدنيا نور

...

ويا صادق ويا جارك .: رمضان كريم وزارك

والبركه ماليه دارك .: م الأرض لأعلي دور

...

واصحي يا حاج مكرم .: رمضان الله أكرم

والخالق لما يكرم .: بيسهل الأمور

...

يحميك من كل رجعي .: الصدق أصله طبعي

بالليل يقيدلي شمعي .: لو ماشي في البحور

موال

لو كنت صادق في قولك ما فعالك حتلقي السلامة في سكتك منين ما تروح..

والصدق ويا النفس يحمي النفس ويحمي البدن والقلب قبل الروح..

أنا شفت ناس كذايين ياما الكذب ف حياتهم في شرع الاصول مسموح..

ده الكذب خيبه وعيبه في عرف العباد والحياه طبع غير مرغوب..

والصدق ذهب الكلام اللي يهني الروح ويخلي بابك ع الدوام مفتوح..

واصحي للكلام

ووحده العلام



طعم النجاح حلو لو جالك بعد الكفاح والصبر والمجهود..
واللي بيسعي لنجاحه بيوصل لغايته يكون بالنجاح موعود..
يعدي البحور والجبال وم الطريق الصعب لو بالفولاز مسدود..
وغن كان الوصول للنجاح صعب الأصعب المحافظة علي وجوده..
ونجاح من غير كفاح نجاح مزوق بالرجل يكون نجاح محدود..

واصحي يا بو إسماعين .: راح أقولك كلمتين..
عن رأيي في الناجحين .: أحلي كلام يتقال..
...

مش أي حد يكون .: ناجح بكام مليون..
والبنوك مديون .: يبقي راجل أعمال..
...

عايز نجاح بأساس .: والمادة مش مقياس..
الرك ع الإخلاص .: في سائر الأعمال..
...

أصل النجاح موضوع .: محتاج ضمير مسموع
ينجح نجاح مشروع .: بكفاح ورزق حلال

واصحوا يا ناجحين

ووحّدو المعين

...

زناتي المسحراتي

أصحي يا أي طالب .: عشان تعرف تجاوب..
نجاك له مطالب .: مذاكرة وإنتباه..
...

إفهم كل الدروس .: وسيبك م الكابوس..
مدرس بالفلوس .: الدولة معيناه..
...

إدّيني يا ابني ودك .: عايزك تنجح بجهدك..
لا مدرس بيه يساعد .: وأبوك مفيش معاه..
...

حقولك ع الافاده .: انجح وخذ شهادة
ليسانس في الأجاده .: نجاح يوصل مداه
...

اصحي للدروس

ووجد القدوس
...

واصحي يا اي عامل .: حملك تقيل وشايل
ناجح من غير مشاكل .: وتتحدي الصعاب
...

من أول ما رايتك .: يصيت لك التفيتك
إنسان سعيد في بيتك .: ومنتهي الشباب
...



زناتي المسحراتي

مفيش احقاد ف بالك .: فيالحي مفيش مثالك
نجاحك رأي مالك .: فاتح لكل باب

...

ولو إنسان بسيط .: ينجح بدون وسيط
ياخد في الدنيا سيط .: م الأرض للسحاب
واصحي للنجاح
ووحدهم الفتاح

...

موال

وأنا بودع الشهر الكريم بقول كلام في الصميم وبغتي للناجحين..
موال لا يتاقل بمال عشان موال في لون الورد والياسمين..
أصل النجاح صعب المنال محتاج لناس عل درب النجاح ماشين..
ده سر النجاح معروف وواضح وع المكشوف محتاج الكفاح والصبار..
واللي مهوش عارف يسأل دكتور زويل النجاح الحقيقي طريقه منين..



يا فاعل الخير في الغير لوجه الله هنيالك..
رسمالك الطيب عشان طيب طبيك حسناته بقيالك..
أنا لو جابولي الأحبه بحرین محبه حشرب وحملی لك..
خللي بالك يا صاحبي الخير بيحرس صاحبه منین ما يروح..
وخيرك باقي لك وحيجي لك ومن بعدم باقي لعياك..

أصحي يا طيب :. يا بو قلب طيب
أصلك وفصلك :. من أصل طيب
الخير في دارك :. م الناس قريب
منتاش بخيل

...

يا بو نيه وردي :. يا بو الجمایل..
في الصبر طيب :. في الحق هایل..
دایماً تواسي :. دایماً تجاهل..
طبعك جميل..

...

الحب زادك :. والستر حقك
في كل سكه :. خيرك مسابقك
ولا حد زيك :. ولا حد سابقك
ولا لك مثیل

أنا اللي عارفك :. با بو العنین..

زناتي المسحراتي

تدّي بشمالك .. وباليمين..
إنسان وخير .. ع المحتاجين..
عربي أصيل..

...

واصحوا يا طيبين..
ووجدوا المعين..

رمضان كريم .. نور ضميرك..
والله أكرم .. في خط سيرك..
شارعنا كله .. غرقان في خيرك..
الله عليك..

...

في الخير يا خالي .. لك طبع نادر..
لاف ريف بلدنا .. ولا في البنادر..
صليت وراك .. الفجر حاضر..
من حبي فيك..

...

ع الطبله أقولك .. وع الربابه..
خيرك غفيرك .. من الديابه..
علشان حنين .. علي الغلابه..
حبوس غيديك..

...



زناتي المسحراتي

بحتاج ألاقي .: خيرك نده لي..
واحس إنك .: مش ضمن أهلي..
وبتراضيني .: تراضي صفلي..
علقتك بيبك

...

اصحوا يا خيرين
ووجدوا المعين



أعمل الطيب في اهله في غير أهله ولا تندم يا صاحبي عليه..
غلبان فقير محتاج إكرمه مريض ياريت تداويه..
دا فاعل الخير لوجه الله ربك كريم قادر م الحلال يجازيه..
أعمل الطيب يا صاحبي ارميه في قلب البحر مسيره يرجع لك..
وعوض عليك ربنا في بيتك في أولادك وف سكتك تلاقيه..

همام أفندي .: يا بشمهندس..
في الخير معلم .: في العطف ريس..
رغيف بلحمه .: أو فول مدمس..
لأي جار

أنا لو ندهتك .: بتجيني تجري..
راكب لي تاكسي .: او قطر مجري..
تصب خيرك .: بتملي حجري..

ساعة الفطار

عطوف ودايماً .: بتدي غيرك
علي ناس بلدنا .: بيعم خيرك
المولي حارسك .: في خط سيرك

وغيط ودار

خيرك حلاك .: عرق جبينك
بتحب وطنك .: بتحب دينك
الله يكافأك .: الله يعينك

قلبت عمار

زناتي المسحراتي

...

واصحي للعطوف

ووجد الرؤوف

أنا الزناتي .: ناصح أمين

ومسحراتي .: م البدرشين

عربي وأصلي .: م الطيبين

الخير منا

...

والخير يا خالي .: يحرس صاحبه

وصاحبه طبعاً .: بينولي ثوابه

والرب دائماً .: يفتح له بابه

ينول رضاه

...

والمؤمن اللّي .: عليه تجلّي

يكمل جميله .: بالخير تملي

والفجر حاضر .: يروح يصلي

فرض إلا له



موال عن الخير وأهل الخير موال فرايحي في ملامحي مالوش آخر ولا أول
موال وإنساني من نبع وجداني أنغامه وخداني وف ساحه الإنسانية يطلع الأول
موال حروفه ذهب م الطيبين اتوهب وفي التاريخ انكتب عن طباع العرب عمره ما يتحول
موال لكل الناس من منبع الإخلاص م الخيرين م الناس اللي يحبوا الخير ويعملو المعروف
ده الخير يا أهل الخير الخير ده عمره طويل بيكون لصاحبه دليل والشر مهما يكون عمره ما بيطول

واصحوا يا طيبين..

ووجدوا المعين..



موال

الأم أمه وأمه بيها الشعوب والقمم تكبر وتتقوا..
ست الحبايب كلهم بحضن دافي تضمهم في القلب من جوّه..
ده الأم بر السلامه من غيرها نبقي يتامي لا حول ولا قوه..
مفروض علينا نطاوعها ولا نخالف أوامرنا نشيّلها فوق الراس..
ده هي أساسنا وونسنا ونبض الروح في احساسنا مكتوب عليه حواّ..

أصحي يا عربي .: يا ابن أم عربي..
كلامنا عربي .: في شهر الصيام..
...

وأنا بنادي .: في كل وادي..
وبقول يا هادي .: كل الأنام
...

فردت طولي .: نسجت قلبي
حرير في نولي .: منقوش كلام
...

الأم أمه .: في أعلي قمة
في الحضن ضمّه .: كل الشعوب
...

زناتي المسحراتي

عاليه في مكانها .: أحصي لحناتها
لو دعوه منها .: تمحي الذنوب
الأم دولة .: بالحب أولاً..
في كل جوله .: تكسب قلوب..

واصحي للحنان

ووجد الرحمن

...

الأم أرضك .: شرفك وعرضك
طاعتها فرضك .: كلام بحق..

...

تكبر راعيها .: شقر عليها..
وبوس أيديها .: واجب وحق..

...

بولادها حاسه .: ولا يوم بتنسي..
حتي أمّا تأسي .: بتكون أرق..

...

أم الجماعه .: تأمر بطاعه
سامعاً وطاعه .: متقلش.. لأ..

...

ياناس ياكل الأحبه الأم دولة محبه من قبل الزمان بزمان..
طاعتها واجبه علينا وجوب الفرض والسنة علي كل بني الإنسان..
أم الهنا والرضا الحب منها ابتدا بحنان ما قد منه حنان..
ربت وسهرت وتعبت ولآخر الحياه هي حضن الأمان لينا..
عليها إلا له وصي وصيه حنان خاصه ذكرها الرب في القرآن..

وأصحي للحنان..

ووجد الرحمن..

...

الأم عيله .: عيله جميلة..

ملهاش بديله .: ولا في الوجود..

...

لو غبت عنها .: متمشي ليلها..

ولا يهدا يالها .: إلا أن تعود..

...

أصلك ضناها .: نطفه ف حشاها..

اكسب رضاها .: بلاش جحود..

...

واصحي للحنان

ووجد الرحمن

...

يا ابن ام سامي .: إسمع كلامي

زناتي المسحراتي

أنا قصدي سامي .: مفهش زور

...

خليك معايا .: واسمع ندايا

الأم رايا .: في كل العصور

...

طلبت ونالت .: ربت وشالت..

من نومها قامت .: جاييه السحور..

...

الساكنه روحنا .: بلسم جروحنا..

نديها روحنا .: والعين كمان..

...

تتعب وتشقي .: علشان نا نبقي..

سورا ونلقي .: حصن الأمان..

...

علشان حنانها .: لازم نصونها..

ونرد دينها .: أم الحنان..

...



أحن قلب في الوجود قلب الأمومه الوفي دائماً بيسعدنا..
بحنان ملهش حدود تفتح لنا حضنها من لحظة ما تولدنا..
تدينا كل الهنا نفرح بتفرح لنا نبكي تهددنا..
تحرم نفسها الراحة وتحرم نفسها اللقمة علشان تشبعنا..
ده لولاها لا كنا احنا ولادبت في الجسد روحنا ومكنش جه عيدنا..

واصحي للحنان

ووجد الرحمن



تعز نفسك تعزك وترفع رقابتك لبعد السما بمترين..
وتخلّي نفسك عزيزة تديك مناعه وشجاعه ضد السلف والدين..
ولو حكمت عليك الظروف اربط علي بطنك بدال الحزام اتنين..
ومتزلهاش لعويل أو لقليل الأصل لو حتي تموت م الجوع..
ده مزلة النفس للنفس زي المر والحنضل وزى الدبح بالسكين..

واصحي يا شيخ علي .: يابو القلب الولي..
منزلتش من علي .: وراضي بالقليل..
...

ونفسك صنتها .: برضاك عيشتها..
ولا يوم حوجتها .: للحاقد والبخيل..
...

واصحي ياعم شوق .: يا بو نفس عالية فوق
طول عمرك وانت زوق .: وابن بلد أصيل
...

نفسك أحلي نوع .: وبترفض الخضوع
وبترضي لو تجوع .: أحسن ما تكون ذليل
...

واصحي للنفوس..

ووجد القدوس..

النفس في إحتياجها .: يكفيك شر اعوجاجها..

زناتي المسحراتي

لو تاه أمل فرجها .: موصلتش في السريع..

...

تاخددك ع الشرذ وغري .: وضميرك يبقي كوبري..

تخطف تنهب وتجري .: يصبح إنسان وضيع..

...

نفسك يضع شرفها .: تيار غريب جرفها..

يكفيك شر إنحرافها .: أنا وأنت والجميع

...

ده لو تاكلها حاف .: وتشتي بدون لحاف

أشرف م الإنحراف .: والعمر كمان يضيع

...

النفس لو عفيفه .: معاك تكون وليفه

تعيش حياه شريفه .: وخريف عمرك ربيع

واصحي للسليم

ووجد العليم

...

النفس لو مالت في يوم نواحي الحرام والشر غياك تتطاوعها..
علشان مقامك مقامها انت اللي تقدر تقومها عارف فين مواجهها..
ده النفس أمارة يا صاحبي ممكن شيطانها ف ثواني في السوء يوقعها..
متسبش نفسك لنفسك عودها ع العفه ومكارم الأخلاق..
وعودها ع العزة وان مال عليها الزمان ع الصبر شجعها..

والنفس الراضية نعمه .: وحياتها تبقي طعمه..
تدي لصاحبها دفعه .: تعميه من أي خوف

...

والنفس لو سليمة .: تدي لصاحبها قمية
يعيش حياه كريمة .: في العيد يدبح خروف..

...

والنفس لو شقيه .: صاحبها يروح ضحيه..
يغرف في شبر ميه .: في أسوأ الظروف
وأصحي للظروف
ووجد الرؤوف

...

والنفس لو تعاكسك .: مصنتش منها نفسك..
تكسر خاطرك ونفسك .: لو انت مش عفيف..

...

زناتي المسحراتي

نفسك قوام تعندك .: تبوح للناس بسرك
وف غمضة عين تجرك .: ترميك علي أي كيف

...

والنفس لو تطاطي .: حتنزل بيبك لواطى
علي دكة لحتياطي .: وم الدكه ع الرصيف

...

ياريت نصحي لنفوسنا .: ترفع لفوق رؤوسنا
مفيش مخلوق يدوسنا .: علشان عايزين رغيـف
واصحي للـرغيـف..

ووحـد اللطيف..

موال

يا نفس يا طيبه خليكي منّي قريبه ومتبعديش سنتي..
أديني أحلي إبتسامه وديني بر السلامة وكل عام وانتى
أحلي النفوس في الوجود رمضان عليكي يعود رافعه لفوق رايتى
وأشوفك عفيفه وشريفه وتحميني يا نفسي من نفسي
وأضـمك في حضني بعشم وادعي لك تكون أجمل وأحلي ما كنتى

وأصحي للسماح..

ووحـد الفتاح..



موال

موال عن الصحاب النافع اللي يفق جنبي وأقف جنبه في الشده وفي الأفراح..
صاحب ونافع لصاحبه كل ما شافه يحبه أحس أول ما أقابله أني بلقاه مرتاح..
معايا في الحلوه في المره لا زعلنا من بعضنا مرّه حافض مقام الصداقة نبض قلبه سماح..
صاحب مالوش منفعه ولا له كمان أغراض صاحب ومخلص قوي يحب ليّ الخير
صاحب جميل ومليح صاحب وطبعه مريح لو قلبي لو مفاتيح أنا أسلمه المفتاح.

واصحي يا صاحبي .: ياللي انت جنبي..

بتفك كربي .: وقت اللزوم..

...

واسمع زناتي .: عوض زناتي

دا مصحياتي .: من أحلي نوم..

...

إصحي لأمورك .: تعبر بحورك

وضب سحورك .: عزك يعدوم..

...

جميل في واصلك .: تعمل بأصلك..

لا تقل أصلك .: في أي يوم

...

زناتي المسحراتي

دائماً يا سيدي .: إيدك في إيدي

دم ف وريدي .: تشد إيدي

بتقولي قوم

وأصحي للأصحاب..

ووجد الوهاب..

واصحي يا شلبي .: يا ابن أم شلبي..

بتلبي طلبي .: من غير مطامع..

...

صاحب وفالح .: في الوصل ناجح..

ولالك مصالح .: ولا لك منافع..

...

صاحب جمایل .: لك طبع هایل

دائماً تجاهل .: من غير موانع

...

لو عز ليك .: تندهلي اجيلك

وأشد حيلك .: في عنيه أشيلك

ولا عندي مانع

...

معرفش ليه في الزمان ده مفيش أصحاب ولا ناس ينفعوا دي الوقتي يتصاحبو
ولا صاحب تصاحبه تلاقي فيه الشهامه يضحى عشان صاحبه
صاحبت صاحب وكان صاحب بيغلط وبعد ما يغلط يجيب الحق علي صاحبه
ياعم ياللي ملكش أصحاب تعاله من بكرة أنا وانت نتصاحب..
واللي يصاحبنا عشان المنفعه لا يجلنا ولا نروح له ولا نشوفه ولا نصاحبه..

واصحي للاصحاب..

ووجد التواب..

...

إختار صديقك .: قبل طريقك..

يحرص طريقك .: من الحيتان..

...

ياريت تصاحب .: مش أي صاحب

مالهشي صاحب .: زي الزمان..

...

غدار بصاحبه .: واللي يصاحبه

يتعب له قلبه .: يا شيخ زيدان

...

صيتي وماادي .: دايماً يعدي

ياخد ما يدي .: وبميت لسان

...

زناتي المسحراتي

كذاب وفقري .: يخطف ويجري

لوح لي ضهري .: مالوش أمان

...

صاحب كمثلته .: إزاي توصله

م عمل بأصله .: إقطع له وصله

وإنساه كمان

...

وأصحي للأصحاب

ووجد الوهاب

...

اصحي يا سيد .: يابن أم سيد

يا بو طبع جيد .: بين الصحاب..

...

للقلب واصل .: ومن البواسل

ولا بينا فاصل .: ولافيه حجاب..

...

صاحب مساعي .: للحب داعي..

يا بو قلب واعى .: دائماً شباب..

...

توعد توافي .: تشيك كتافي..

وبقلب صافي .: مفهوش ضباب..

...

زناتي المسحراتي

وأخوك زناتي .: ده مسحراتي..

ومصحياتي .: في كل عام..

...

وفي المجالس .: دائماً ما نس

من غير وساوس .: صاحب تمام

...

بيحب صاحبه .: واللي يصاحبه

يفضل مصاحبه .: علي الدوام

...

واسمع ندايا .: خليك معايا

ماليش هوايا .: غير الهدايا

وفي النهاية..

بقول سلام..

موال

عايزين نكون أصحاب مفيش ما بينا ضباب ولا حقد في النية..

سمن وعسل علي بعض نخاف كمان علي بعض من نسمه معديّه..

والصاحب اللي يكون خوان ومش مضمون ميجليش نواحيه..

دا أنا أحب صاحبي يقف جنبي يسند لي قلبي لو وقع مني..

وأقف معاه في العواصف وأبدله نفس العواطف في الرايحة والجايه..

واصحي للأصحاب..

ووجد الوهاب..

موال

صله الأخوه ياعم صله في الوطن والدم مفهاش فصال وكلام
والأخ أصلاً سند في الشده عليه يعتمد ياخدم معاه قدام
لو يوم تهاجمه العدا أوهب له روعي فدا حتي أحرسه لو نام
وأفرح أنا لفرحه وأحزن لأحزانه وأعمل له توبي غطا..
وأقسم معاه لقمتي علشان شريكي ف ذيلتي وف رحله الأرحام..

قوم إصحي قو ياخويا .: يابن أمي وابن أبويا..
دا الفجر جاي ورايا .: قوم إصحي للسحور..
...

يا شایل عني همي .: يا ساكن جوه دمي..
أنا وانت وابن عمي .: ع الباعي والمغرور..
...

أنا وانت كلمه واحدة .: إخوات في عيله واحدة..
أنده لي نده واحده .: أعدي لك البحور..
...

أصل إنت حتة مني .: دايماً في حسن ظني..
في الشدة إنت ملازمني .: وف أصعب الأمور..
...

أخويا ف كل لمحاه .: لو أكلها معاك بملحه
تغمرني أحلي فرحه .: من الأرض لأعلي دور
واصحي للسحور..

زناتي المسحراتي

ووجد الغفور..

...

يا عم حلمي قوم .: إصحي من أحلي نوم..
يدوم عزك يدوم .: أخ وشهم أصيل..

...

أخواتك بتراضيهم .: لا عمرك بتجافيههم..
دائماً تسأل عليهم .: كريم منتاش بخيل..

...

وكتير سألت عنك .: الناس قالولي إنك..
حنين ع اللي منك .: لسانك سلسبيل..

...

جد حتي ف كلامك .: أخ لك إحترامك
الكل حافض مقامك .: من طبعك الجميل

...

بتحافظ ع الاخوة .: سباحنه اللي سوا..
بيدي العزوة قوه .: تفوت في المستحيل..

...

واصحي للكلام..

ووجد العلام..

...

أنا أحب أشوف لخواات شجرة ومفرعه بتطرح حنان علي طول..
وإخواات علي مستوا الحب بينهم دوا طول م الوداد موصول..
والأخ جنب الأخ لو أخوه في يوم قال أخ يفضل عليه مشغول..
لا عدو يدخل ما بينهم ينولوا غاية مرادهم يكونوا ع الدوام عيله..
ولا غيره بينهم ولا خصام ولا مشكلة ولا بينهم طريق مقفول..

أخويا العربي إصحي .: فاتح لك أحلي صفحة..
صفحة أخويه سمحه .: فيها النضال كتير..
...

فارشينها بالحنان .: من سينا للجولان..
إخواات ومن زمان .: الشوق بينا سفير..
...

واصحي يا بو السباع .: في القدس في البقاع..
حخرج اللي ضاع .: حنحدد المصير..
...

ما دمنا إخواات عزاز .: وقلوبنا من فولاز
لافيه بينا اهتزاز .: في الحب والضمير
...

خطواتنا حتبقي ناجحه .: رمضان بركاته فايحه
ونساييم جايه رايحه .: بتقول الصلح خير
...

واصحي للمصير ..

زناتي المسحراتي

ووجد البصير..

...

يا اخوات بلدنا إصحوا :. اللي غلطان نسامحو..
واللي زعلان نصالحه :. نردله إعتباره..

...

وكلمه صلح دا فيه :. بتخلي قلوبنا صافيه..
وبتدي أخويا عافيه :. في الشده وإنتصاره..

...

أخوك لو حد جرحو :. تقف معاه في جرحو
فرحان تفرح يفرحو :. مهزوم تاخذ بتاره

...

ازاي أخوك تقاطعه :. في الخير خليك متابعه
حزين تمسح له دمه :. دائماً تقف في جاره..

...

عهد الأخوه غالي :. بقولها وصوتي عالي..
أخويا لو نادي لي :. أروح له لحد داره..

...

أنا شفت يا زمن أخوات الأخ يفرح لو شاف أخوه فرحان..
أنا شفت يا زمن أخوات الأخ يتعب لأخوه لو كان أخوه تعبان..
وإن جار عليه الزمان يفتح له بيته وقلبه ياخده بالأحضان..
لخوات كما فروع في شجره شركا في أصل واحد لو هبت عليهم ريح..
يميلوا سوا في الهوا وكأنهم عيله يواجهو غضب الطبيعة كأنهم بنيان..

واصحي للموال

ووجد ذو الجلال



المولي قال في الكتاب ع المال ده زينه الحياه قبل البنون مذكور..
لو من طريق الحلال بيخلي صاحبه يعيش في دينته مستور..
ويدفع زكاته في حياته للمستحق الزكا خاطره يبات مجبور..
وصون مالك أوعي تضيعه في طريق بطل بيجي يوم تحتاج له..
لأنه قبل الولد المال لصاحبه سند طول م الزمان بيدور..

رمضان كريم يا خال .: لو عندم بنك مال..
المال كله لزوال .: والطيب اللي باقي..

...

اصحالي وخلي بالك .: من ناس كثير قبالك..
غاوينك لأجل مالك .: أرجوك اسمع ندائي..

...

أوعي مالك يغرك .: أحسن بعدين يضرك..
في طريق ضلال يجرك .: الجيب تلقاه شراقي..

...

خلّي الإيمان رصيدك .: ومال حلال يفيدك..
يحميك من مد إيدك .: لبليه وأخوه رجائي..

واصحي للأموال

ووجد ذو الجلال

...

زناتي المسحراتي

واصحي يا عم خير .: يا بو المال الكثير..

يا حنين ع الفقير .: وجيرانك اليتامي..

...

ياللي مفيش مثالك .: ورغم كتر مالك..

عايش باعتدالك .: وآخر إستقامه..

...

فرحان والنعمة بيك .: انزلي أبوس إيديك

رمضان كريم عليك .: إداك من كرمو ياما..

...

لاغررك مال وجاه .: مريض بتجيب دواه

وتروح تفطر معاه .: ترجع له لبتسامه

...

وكريم ما تقاش بخيل .: علي كل عابر سبيل

يا بو الطبع الجميل .: تستاهل السلامه

...

واصحي للفلوس

ووجد القدوس

...

المال ده زينه الحياه ليه تكفروه في البنوك وتحرموا الفقير منه
ولو عزيز عندكم وقع في شدة وجاي لكم بتبخلوا ولا تسألوا عنه..
انا شفت ناس حдахم المال لاحنوا به ع اليتيم ولا علي نفسهم حنو..
وعاشوا في الدنيا يجمعوه ملايين ويشيلوها لحد ما ضاع العمر يا ولدي..
لا مال نفسهم ولا خد بإيدهم ولا بعزمتهم ولا فرحوا ولا بمالهم اتهنو..

واصحي للرصيد

ووجد المجيد

اصحي يا بو العجايب .: لو عندك مال زكايب
ادفع حتي القرايب .: تدوم البركه فيه
...

المال لو الف رزمه .: ويجيب لصاحبه أزمه
يبقي ملهش لزمه .: ولا نشغل بالنا بيه
...

تصونه زي عينك .: تعيش مرفوع جبينك
كلام بيني وما بينك .: المال حافظ عليه
...

لفي نهاية الماطف .: لو ضاع في الإنحراف
والفوضى والإسراف .: دا كله يفيد بياه
...

زناتي المسحراتي

حتي لو كان بوفره .: وعملت بيه مؤامره
ودخلت كام مغامره .: المال مش حتلاقه

...

واصحي للفلوس
ووجد القدوس

...

واصحي ياللي نايم .: ووجد رب دايم
حتقوم الصبح صايم .: قوم وحد المجيد

...

لو عندك مال قارون .: في ملكه إيه يكون
الخالق كل الكون .: عند أعظم رصيد

...

وغناه مالوش حدود .: رصيد كل الوجود
والمالك المعبود .: هو الغني الوحيد

...

ومهما كان غناك .: ملايين كثير معاك
الخالق اللي نشاك .: فعّال لما يريد

...

سبحانه ذو الجلال .: يعطي لك مال الحلال
يغنيك عن السؤال .: علشان تعيش سعيد

المال الحلال بيدوم ما دام جاي من عرق الجبين مش جاي بالتزوير
وعشان يكون معلوم المال لخدمه جميع البشر في الأرض والنهضة والتنوير
المال للعمار مش للخراب لأطفال صغار في قلب النار بيلغنوا التدمير
اجيب منين ناس ياناس يستخدموا المال من أجل اسعاد البشر في الكون
ويوهبو مالهم للسلم والعلم وميمولوش الشر ومالهم يستخدموه في الخير

واصحي للأموال

ووجد ذو الجلال

العلم عصب الحياه والبشر والكون جوّه العقول والقلوب مزروع..
وهو أصل المعارف علوم تاريخ وفنون وهو المبادئ والأصل في الموضوع
العلم مش في الكتب تقري وتكتب بس ده فن الحياه المرئي والمسموع..
العلم بحر العلم وأحلي معاني الكلام فيه الحياه والغذ للروح..
لازم لكل البشر زي الهواء والشمس ولهفة العطشان طيه الينبوع..

اصحي استاذ رجب .: يا بو القلب الذهب
يا دارس الأدب .: والعلم والأصول

...

شايك من هناك .: بتبص من الشباك
أنا لي كلام معاك .: كلام من أحلي قول

...

بتدي الناس دروس .: وبتغذي النفوس
مجاني بدون فلوس .: بتنور العقول

...

وانت ف غايه السرور .: بتقول العلم نور
غويط زي البحور .: اسمح لي بس أقول

...

انت استاذ ضليع .: في العلم شيء بديع
وف خدمة الجميع .: وف وشك القبول

زناتي المسحراتي

واصحي للتعليم

ووحده العليم

...

اصحي قوم يا عمي .: إتسحر كل وسمي..
مش عايزك تبقي أمي .: وجاهل م البداية..

...

عايزينك تبقي لبلب .: نلقاك قاعد في مكتب..
بتقري كمان وتكتب .: متعود ع القراءة..

...

جرنان تقري وكتاب .: وأخوك عبد الوهاب..
تكتب له كمان جواب .: م الأول للنهاية..

...

وأشوفك كل يوم .: متبحر في العلوم
ويدوم علمك يدوم .: وتنول كمان رضايا..

...

واصحي للكتاب.

ووحده الوهاب..

...

العلم نور العقل يمحي الضلام والجهل كل العباد عشقوه..
ولولاه لا كانت معامل ولا علما حطو المشاكل ولا القمر طلعه
العلم قمه ومناره العلم هوّه الحضاره عشان كدة طلبوه طلبوه
عشان المجد من المهد لحد اللحد وعشان يكون في العلم..
العلم أجمل حلم واللي يكون بلا علم في بحور الحياه بيتسوه..

واصحي للحروف..

ووجد الرؤوف..

...

واصحي يا شيخ رؤوف .: يا خبره في الحروف..

إصحي قوم وهم..

...

العلم إزدهار .: العلم مش دمار..

نزيف أموال ودم..

...

وفلوس تروح في نار .: ده العلم للعمار..

ورغيف لكل فم..

...

مش غزو واحتلال .: وحرب ووقف حال..

العلم خير يعم..

...

زناتي المسحراتي

العلم خدمه عامة .: وحضاره لكل أمه..

العلم نور ياعم

...

واصحي للعلوم

ووجد القيوم

...

العلم يا شباب .: بيفتح كل باب

والعلم في الكتاب .: وف جامعه الحياة

...

العلم بكل شيء .: يفتح لك الطريق

توصل لكل شيء .: ليسانس ودكتوراه

...

واصحي با بو الرجال .: العلم جاه ومال

وإصلاح لكل حال .: وقارب النجاه

...

اللي التعليم بهمه .: هوه وأبوه وعمه

ينزللي ف حضي أضمه .: أتسحر فول معاه

...

وأصحي يا شيخ سرور .: قوم وضب السحور

وقول العلم نور .: للي في الجهل تاه..

...



زناتي المسحراتي

ده العلم إستفاده .: قبل ما يكون شهادة
يضمن السعادة .: في كل إتجاه

...

واللي من غير علام .: يعيش عمره في ضلام
ولا يعرف م الكلام .: بدايته ومنتهاه

...

موال

عجبي علي ناس ما تعلموش القرايه ولا يعرفوا حرف الألف م النون..
وناس إستخدموا العلم لدمار الحياه والطبيعية وجميع البشر بجنون..
وناس العلم في حياتهم سلاح فتاك ذري ونووي من كل صنف ولون..
العلم أبحاث لخدمة جميع لاناس من للتدوي ولا للخراب والموت..
العلم لو الغام يبقي سلام ع السلام ومليون سلام ع الحياه والكون..

واصحي للتعليم

ووحده العظيم



احب الناس يتعاونوا مع بعضهم في الفرح ولاشده وفي الأحزان..
وأشوف الأخ واقف جنب أخوه صف واحد وكأنهم بنيان..
ولو مد جارنا إيدہ لنا نتعاون معاه ومنسبوش في مشكله غرقان..
أتمني أشوف لخوات قلب واحد وروح واحده ميبعدوش عن بعض..
حتي لو اختلفوا يتعاونوا ع البر دايماً وع التقوي وع الإحسان..

واصحي يا خالي قوم .: اصحي من أحلي نوم..
يدوم عزك يدوم .: ع البائس والفقير..

...

سلامات ازاي حالك .: للخير وهبت مالك..
لو جارك يوم ندالك .: وجالك مستجير..

...

تقف معاه تعينه .: علي ناس مزعلينه..
مديون بتسد دينه .: قليل أو كثير..

...

واصحي يا بو إسماعين

ووحده المعين

واصحي يا شيخ وفاقي .: اصحي واسمع ندائي
من جيلنا انت اللي باقي .: م الناس الطيبين

...

زناتي المسحراتي

لك شهره في المدينة .: لو تسمع آه حزينه
إيدك تسبق إيدنا .: دي عوايدك من سنين

...

تستاهل كل خير .: عشان قلبك كبير
تقف جنب الفقير .: والناس المحتاجين

...

واصحي للكلام

ووحده العلام

...

اصحي ياللي سامع .: نازل واللا طالع..
او ماشي ف أي شارع .: أرجوك وحياء عنيك..

...

اتعاون ويا صاحبك .: مع أهلك وحبائك
في الشدة يبقو جنبك .: ولا بيخلوش عليك

...

اتعاون في الأمان .: والبر والإحسان
وأدي الناس الأمان .: كله حيعود عليك

...

واصحي للحنان

ووحده الرحمن

واصحي يا حاج جمعه .: اصحي وقوم بسرعة
من عطفك عيني دامعه .: وبدعي لك ليل نهار

...



زناتي المسحراتي

اتعاونت كثير معايا .: ورضيت كل الولايا
بالحك والعدايا .: يجعل بيتك عمار

...

واحفظ لك نور عينك .: ولا يشمت عدو فيك
ويعود رمضان عليك .: بالفرج ولنتصار

...

واصحي للأحباب
ووجد الوهاب

...

واصحي يا حاج سيد .: طول عمرك وانت سيد
بتحب الناس تعيد .: وهما مبسوطين

...

كسيت سيد وفايز .: اديتو عشر برايز
عشان جالك وعاييز .: يكسي العيلين

...

بتراضي كثير ضميرك .: وكتر ألف خيرك
مستور في خط سيرك .: من كل المعقدين

...

واصحي للكلام
ووجد العلام



العدل أساس الملك وأساس لكل حضاره في كل أرض ودين..
العدل كلمة حق تتقال عشان الحق في ساحة التبيين..
والعدل إسم الحق بينصف المظلوم ويحاسب الظالمين..
هنيهاله حاكم يكون ضميره دليله عادل في أحكامه..
يحكم بشرع الله ما بين عباد الله ويضبط الموازين..

اصحي يا عم عادل .: حلال المشاكل
من يومك وانت عادل .: وحكمك في السليم

...

في العدل إنت باشا .: نصرت الواد عماشه
علي ظلم أخوك عكاشه .: أصلك راجل عظيم

...

لا ضمير لجوه شنطه .: ولا تاكل م الأونطه
في العدل إنت أسطي .: علي خط مستقيم

...

العدل من صفاتك .: وعادل طول حياتك..
وبتنكر حتي ذاتك .: مضان عليك كريم..

...

واصحي للسليم

ووجد العظيم

زناتي المسحراتي

واصحي يا بو الهمم .: العدل في الأمم..

ياريت لو يحترم .: ويعدلوا الميزان..

...

حيكثروا الأحبه .: والغاضب يستخبه..

لا تبقي كفه طبه .: وكفه في التوهان..

...

بتواجه الصراع .: والعدل في الضياع..

مالوش في الاجتماعي .: ولا حتي في البيان..

...

دا العدل لو يسود .: العالم والوجود..

تتجهم الأسود .: ونشعر بالأمان..

...

واصحي للسلام

ووجد العلام

...



العدل شريعة ربنا قانون سماوي لنا حكم في إيده الحل..
لو ساد جميع الأرض لا نلاقي فوقها حرب ولا ظالم ولا محتل..
ولا يتوه حمام السلام من الآلام في الغمام ولا تدبل عيدان الفل..
أمانه ياللي مآنس في مجلس العدل أحكم بالعدل والقسطاس..
متسبش ناس تبات في الدفا وناس هناك نايمين في عز الطل..

اصحي يا بو العيون .: يا حافض القانون..
في العدل والشئون .: وحكمك معتبر..
...

وخبره في الحياه .: وشريعته إلا له..
بترفع الجباه .: في مواجهة الخطر..
...

يا فارس ع المنصة .: عندك أعلي حاسه
نظرة عدل خاصة .: فوق مستوي النظر
...

سبحان الله تعالى .: نبينا في الرسالة..
كان متهي العدالة .: مع كافة البشر..
...

واصحي للسحور..
ووجد الغفور..
...

زناتي المسحراتي

إصحي يا عم قاسم .: العدل في المحاكم..

شعار لك حاكم .: في دولة الإيمان..

...

وف ساحة العدالة .: قدام قاضي الإحالة..

العدل له رساله .: في كفة الميزان..

...

ببواجه الفساد .: والظلم ولضطهاد..

وبينصر العباد .: ع القدرة والعدوان..

...

سبحان الله في ذاته .: العدل من صفاته..

ووضحه في آياته .: النازلة في القرآن..

...

موال

يا صانع الموازين ع اللايحه والقوانين ياللي إيديك تنباس..

إديني ميزان مضمون ميزان بشرط يكون ميزان ذهب حساس..

أوزن عليه الاصاله أهاده لهيئة عدالة من سائر الأجناس..

هيئة ضمير محترم في العدل بين الأمم لا يخلو حق يضيع..

ولا يبكي طفل رضيع ويوزنوا المواضيع بالعدل بين الناس..

واصحي للميزان

ووجد الرحمن



لو مال حلال يا صاحبي وجاي لك من طريق مشروع..
بيدوم وبيزيد يحميك من الوقوع في سكة الممنوع..
واللقمة الشريفة عفيفة مادام معجونه من عرق ودموع..
وتبقي نعمة وطعمه ولذيذه وتشبعك علي طول..
وتدي القناعة مناعه ضد المذلة والعطش والجوع..

اصحوا ساداتي .: مع سيداتي
رسمال حياتي .: ع الهادي أصلي

...

ويانسمة فوتي .: ياسامعه صوتي
حلال في قوتي .: بيزيد تمللي

...

وأرضي بقتيلي .: حلال يجيلي
يقوي حيلي .: ولا يوم يوللي

...

واصحي للحلال..

ووجد ذو الجلال..

...

زناتي المسحراتي

ويا أصحاباتي .: من أمنيّاتي

أفوت ليّلاتي .: وأنادي خلّي

...

الافيه في حاله .: بماله حاله

متهني باله .: عليه تجلّي

...

موضب سحوره .: ويقيدلي نوره

وأفوت أزوره .: ومعاه أصليّ

وأصحي للصلاه

ووجد إله

...

رمضان يا عالم .: كريم يا عالم

يا أحلي عالم .: عدوا القنال

...

أنا زناتي .: ربيع زناتي

ومسحراتي .: مزاجي عال

...

رمضان بكرمه .: رفر لي علمه

شاعر وقلمه .: كان راس مالي

...

بيقول يا رامي .: يا حاج سامي

اسمع كلامي .: عن الحال

...

زناتي المسحراتي

رزقك ومالك .: لو من حلاك

يحرص عليك .: ويدوم يا خال

...

موال

القرش لو كان من حلال بيعمر البيت ويعمر كمان القلب قبل الجيب
واللي يكون طريقه الحلال يا خال لا يمكن رجاه في الحلال بيخيب
مش زي ناس بياكلوها والعه ورصيدهم في بنك الحرام تهليب
يا عم ياللي بتاكل من حلال خليك علي بر الحلال ماشي
اللقمة لو من حرام مبتدمشي وطعمها ينزل جوه العشا لهاليب

واصحي للحلال

ووجد ذو الجلال

...

يا حاج حنفي .: حلالي هدفي

زايد وفايض .: وخير مكفي

...

زي بن شلبي .: أبو طبع شلبي

موال في قلبي .: واقف في صفي

...

بيحب رزقه .: يوصل لبقه

معجون بعرقه .: حلال مصفي

...



زناتي المسحراتي

وعشان إيمانه .: نعمة في لسانه

ظابط ميزانه .: بضمير مشفي

...

ورزقه غايه .: وفي النوايا

حلاله آيه .: ياسمين في كفي

...

ورأس ماله .: جاي من حلاله

زي بن خاله .: الحاج الفي

...

واصحي للحلال

ووجد ذو الجلال

...

وأنا من حلالي .: من حر مالي

ربيت عيالي .: دا شيء أكيد

...

واسأل زناتي .: ربيع زناتي

دا مصحياتي .: وفي المفيد

...

بيقول كلام .: لو مال حرام

بيروح قوام .: عنك بعيد

...



زناتي المسحراتي

لكن بتشقي .: علشان ما تبقي

حلال حتقي .: رزقك يزيد

...

وحلالي أصلي .: من نبع أصلي

عايزك كمثلي .: حتعيش سعيد

...

وحلال نصيبك .: لازماً يصيبك

يحرص عليك .: ويدوم يا خال

...

موال

اللقمة لو من حلال م ن عرق الجبين جايه بتقوي البدن والجاه..
مطرح ما تسري بتمري وتكفي كمان ميه من أجلي خلق الله..
انا عشان الحلال قصدي شقيت وراه الصخر لقاني قبل أنا ملقاه..
ده اللي يكون ماله جاي من حاله يا خال البركه فيه بتزيد..
ويهناله ماله مادام ماله جاي من حاله وعرق الجبين وشقاه..

واصحي للحلال

ووجد ذو الجلال



إسعي علي رزقك رزقك حيسعي لك وسيبك م الكسل والنوم
إسعي علي رزقك اللقمة لو من غير عرق دا مستحيل حتدوم
اسعي علي رزقك يا عبده خللي تكالك علي الواحد القيوم
ومادام تسعي علي رزقك حتلاقيه لازم لو كان في بطن الحوت
ولا عبد يقدر يمنعه مادام رزقك ومن حقك ولا مقسوم.

يا عم ياللي .: عليك تجللي
اصحي وقوللي .: إزاي حالك

...

حالك في عملك .: وف رزق جاي لك
حيصحي أملك .: في قوت عيالك

...

ما دام حتشقي .: علشان ما تبقي
دايماً حتلقي .: رزقك حلاك

...

والرزق نعمه .: ولقمة طعمه
من أحلي نعمة .: لختهاك

...

وقليله كافيه .: وبنيه صافيه
من بحر عافيه .: غمستهاك

زناتي المسحراتي

واصحي للارزاق

ووجد الخلاق

...

رمضان سماحه .: في أكبر مساحه

مليان صراحه .: وبينادي لك

...

بيقول يا جمعه .: اصحي بسرعة

علي رزقك إسعي .: إرضي بقليلك

...

زناتي داعي .: طبعه إجتماعي

ع الرزق ساعي .: من نفس جيلك

...

بيقولك إصحي .: بخطوة برحه

رزقك في لمحاه .: قوام يجي لك

...

والسعي بركة .: والرزق بركة

محتاج لحركة .: وشد حيلك

...



الرزق موجود والرك ع اللي يشد الحيل ويسعي له..
واللي يشمر سواعده الرب دايماً يساعده ييسرله أحواله..
والنمل لو ما خرج من حجره وسعي علي رزقه ولا لقمة تبقي له..
واللي ما يخرج ويسعي لي رزقه أحسن له يموت م الجوع..
واللي بيسعي علي رزقه رزقه بيسعي له وتبقي هنياله..

واصحي للمجهود

ووجد المعبود

...

ع الطبلّة أنادي .: ع اللي قصادي
وبيقول يا هادي .: والخلق سامعه

...

إصحي يا عامل .: يا بو فكر شامل
يا بو عقل كامل .: علي رزقك إسعي

...

ودينك صيامك .: دول في إهتمامك..
قايدين أمامك .: ميت ألف شمعه..

...

ورزقك تجاهك .: وبعون الهك..
بيقوي جاهك .: في كل طلعه..

...

زناتي المسحراتي

وخذ براحك .: أفرد جناحك..
أسبق صباحك .: والشمس طالعه..
...

واصحي للرزق
ووجد الخلاق
...

أنا اصلي عربي .: والرزق طلبي
شرقي وغربي .: بزرع ورود
...

وزناتي عناوي .: ع السعي ناوي
يبدر تقاوي .: بالخير تعود
...

وع الطبلّة دقه .: وف قلبي دقه
وكل م أشقي .: يخضر عود
...

ورمضان بكرمه .: رفع لي علمه
سمعت نغمه .: فوق الحدود
...

وأدان بيدن .: والا شيا معدن
وبكرة حتماً .: لزماً حعود
...



الرزق قسمه وهبه بيوهبها سبحانه لعباده إذا أمر أو شاء..
ببرزق الطير ع الشجر والدود في قلب الحجر حتي السمك في الماء..
واللي ببسعي ع الرزق يلاقيه في البر وفيالبحر وف كافة الأتحاء..
لو قطاعين لرزاق واقفين في سكتك ملايين علشان يمنعوه عنك..
لو من نصيبك يصيبك سبحانه هوه اللي رازق وباسط ومقسم الأرزاق..

واصحي للأرزاق

ووجد الخلاق



الصبر لو له تقاوي أنا اللي أشتر به وأنا اللي أزرعه فدادين..
ولو صبري يعطش آخده في أحضاني وأوريه بدمي وبدموع العين..
وأصب علي صبري لو حتي ضهري اتحني وأكلت أنا الرغيف بالدين..
أنا أصلي دقت الصبر وصبري ع الصبر خللي الصبر وصلني..
ولما جاني الفرج مشيت أغني في البلد يا عين وأطمن الصابرين..

اصحي يا صابر .: يا بو قلب نادر..
ع الصبر قادر .: غايب وحاضر..
في قلبنا..

...

ويا شيخ بدير .: صبرك كبير..
وده آخر خير .: ورا قوة كتير..
ناس قبلنا..

...

وابو الأصول .: صبرك مهول
خلاتي أقول .: تصبر تتول
كل المنا..

...

زناتي المسحراتي

صبرك جميل .: بالك طويل
للخير تميل .: علشان أصيل
يا ابو الهنا

...

اصحوا يا صابرين..
ووحدوا المعين..

...

يا بو قلب حر .: لو صبر مر..
خلي يمر .: لو حتي طال..

...

وإن حد هناك .: إثبت مكانك..
وإمسك زمامك .: يا ابو الرجال..

...

لا تقولي إنك .: انا قبل منك
صبرت زيك .: علي كل حال

...

مسيرها تفرج .: وتلاقي مخرج
بالصبر تخرج .: لوم المحال

...



عجبي علي ناس شربوا مرار الصبر لغاية صبرهم م اشتكي منهم..
وأما الحبايب فاتوهم في بحر الهواء الصبر كان الدوا لا نشغال بالهم
وأما خانوهم صحابهم في عز فرحتهم الصبر كان زادهم ورسمالهم..
ولما مال عليهم زمانهم وخانهم اتحملوا الصبر والهموم والويل..
لحد م الصبر اللي دوبهم وعذبهم هوّه اللي خدهمخ لباب الفرح وصلهم..

واصحي يا صبور..

ووجد الغفور..

...

واصحي يا حاج صابر .: صابر وانت صابر..

إنسان جميل ونادر .: م النادر يتوجد..

...

متلفع بالأمل .: من صبر لا يحتمل

فشر صبر الجمل .: ولا زيك في البلد

...

قوة وعزم زايد .: ونور غيمان وقايد..

بتصبر في الشدايد .: عشان عندك جلد..

...

اصحي غتسحر معانا .: وبكرة إفطر حوانا..

في الصبر لك مكاناً .: يا عمدة العمد..

...

زناتي المسحراتي

واصحوا يا صابرين
ووجدوا المعين

...

واصحي يا شيخ عسل .: الصبر في المثل
كان زاد كل الرسل .: في الدعوه للإيمان..

...

في الصعب والعسير .: لصغيراً وكبير..
الصبر آخره خير .: أيوب صبر زمان..

...

وعاش في محنته .: صابر علي بلوته..
ونهاية أزمته .: وصل بر الأمان

...

واصحي يا شيخ سعيد .: الصبر آخره عيد..
وده كلام أكيد .: يقولوا أخوك زناتي..

...

وزناتي أصله عنده .: ع الصبر عنده فكره
أعصابي الجامده نادرة .: وصار طول حياتي

...

والصبر مُر أيوه .: عملوا قساوته غنوه
لكن نهايته حلوة .: شغلني مسحراتي

...

واصحوا يا صابرين
ووجدوا المعين

أمانه ياللي إنظلمت في يوم إصبر علي ظلمك ولا تحزن ولا تزعل ولا تحتار
إفرد شراع مركبك يا جدع وخلي صبرك دفتك لو عاندك التيار
دا الصبر هوه الأمل للي ضناه الزمن في المحن وعاش حزين محتار
أمانه يا خل لا تمل م الصبر أبداً واحفض دروس الصبر واتعلم
ده الزرع لو يد بل علي عوده بالصبر يخضر ويفرع وبيتملي أزهار.



قالو الكرم من صفات البشر أنا قلت أصل المحبة وطبع في الإسلام..
وطول م الكرم موجود أهل الكرم والجود حيالقوا الكرم قدام..
واللي بيكرم فقير أو يتيم من عباده يلقي الهنا في زاده هنياله دعوه الأيتام..
أصل الكرم طبع الكرام ومن صفات ربنا الواحد الخالق المعبود..
ومادمت تكُرم حُكُرم ولا م المحبة تحترم ولا عمرك في يوم تنصنام..

اصحي يا بو الكرم .: رمضان نبع الكرم
علشان جُؤاك كرم .: قوم وحد المعبود

...

المولي اللي كرم .: وبيكرم من كرم
وخالقتنا وبكرم .: رب الكرم والجود

...

اللي الكرم في طبعه .: فقير يسمح مدامعه
المولي يقيدله شمعته .: علشان إنسان ودود

...

اللي يكرم عباده .: سبحانه يحلّي زاده
يبارك في إجهاده .: بركة مالهاش حدود

...

واصحي يا كرم
ووحد الكريم

زناتي المسحراتي

إصحي يا عم هياما .: يا بو النية السليمة
يا كرم اليتيمة .: بالأكل والهدوم

...

اصل الكرم سماحه .: في الدين واخذ مساحه
تكرم في أي مساحه .: يعود عليك في يوم

...

قوم ياللاً بالسلامة .: كرمك فا يتعلامه
في قلوب كل اليتامي .: والبائس المحروم

...

والسفره أهي موجودة .: والجودة م الموجودة
رمضان عليك بعودة .: يدوم كرمك يدوم

...

اصحي يا شيخ حليم
ووجد الكريم



قالو تحب الكرم أنا قلت أيوة نعم بس الكرم في شهر الكرم مطلوب..
محتاج فقير نكرمه عابر سبيل نطعمه وكرم الكرام مرغوب..
وكريم بيكرم جيرانه بماله واللاً بحنانه إنسان عظيم محبوب..
أصل الكرم من صفاتنا من أول حياتنا لما متنا البخل شيء مكروه..
واللي بيكرم في صحته وماله ده غير ما كرمه عند الكريم محسوب..

يا خال عبد الودود .: دائماً بالخير تجود
والجوده م الموجود .: في موائد الرحمن

...

طبع الكريم بسيط .: لكن بحرة الغويط
أوسع من المحيط .: وبص ع الميدان

...

الخير موجود وياما .: نفحات لأجل اليتامي
تستاهل ميت سلامه .: وبركه من رمضان

...

يا أكرم قلب مؤمن .: الكل واخذ مامن
فيه الغريب بيسكن .: والبائس الغلبان

...

واصحي يا بو كريم
ووجد الكريم

...

زناتي المسحراتي

واصحي يا شيخ عماد .: كرمك في التقومي زاد
يبارك لك في الولاد .: قوم اصحي للسحور

...

اصحي وصحي العيال .: طبعك كرم يا خال
مش غاوي جمع مال .: ولا عيشه في القصور

...

ويا سورك يا هناك .: أنا جاي لك من هناك
لأجل أتسحر معاك .: وأطلع لك أعلي دور

...

عشان مؤمن حقيقي .: وطريقك من طريقي
كرمك بيل ريقى .: وبيملي الدنيا نور



كرم الكريم ع العباد كرم يداوي الأهات كرم يُرد الروح..
وأنا بحب الكريم اللي بيكرم يتيم ويطنم القلب لو مجروح..
وخير الكريم يلاقيه قدامه سابقة في طريقه منين ما يروح..
ورمضان كريم بركاته نفحه محبة ورضا لأهل الكرم م الناس..
والخير بيحرس صحابه اللي يا بهم علي الدوام لكل المحتاجين مفتوح..

واصحي يا عبد الكريم

ووجد الكريم



موالي عن النظام موال بقوله بنظام وأنا في غاية الشوق..
وأحب صاحبي يكون منظم في عمله في وقته علشان يعيش في هدوء..
ده الكون بحاله بجماله أبدع في حسنة ربنا وبنظام مخلوق..
تلميذ موظف وعامل لازم يكون منظم ميعشي في هرجه علي طول..
أصل النظام في الحياه هو النجاح وهو منتهي الجمال والذوق..

اصحي يا شيخ علي .: يا بو القلب الولي
اصحالي وبص لي .: حقول حبة كلام

...

اصحي واسمع كلامي .: تستاهل إحترامي
عشان راجل نظامي .: بقالتك في التمام

...

زناتي بعينادي لك .: واجب عليه أجلي لك
وأقولك شد حيلك .: يا عاشق النظام

...

تسلم كمان مراتك .: قايمة بنظام حياتك
في لبسك أو في بيتك .: علي خير ما يرام

واصحي للنظام..

ووجد العلام..

...

زناتي المسحراتي

واصحي يا حاج حلمي .: تجيني كثير في حلمي
بتصحي فيه حلمي .: وحلمك في الأمان

...

في حياتك لو منظم .: تكون أجمل وأعظم
أفوت عليك أعظم .: وأزوق الببيان

...

وأقول يا بو العجب .: يا دارس الأدب
الوقت من ذهب .: أصحي صحي الجيران

...

وقول ياريت نظامنا .: من نفس نوع كلامنا
دليلنا والعزامنا .: في رحلة الزمان

...

واصحي للألحان

ووجد الرحمن

...

واصحي يا حاجة رابحة .: من يومك وانتى ناصحة
تستاهلي أحلي فرحه .: لزوقك ولنظامك

...

أنك ست كاملة .: وبيتك جنة شاملة
ودولة جوه دولة .: منظومة بإحترامك

...



زناتي المسحراتي

علشان ملكيش مثال .: وف منتهي الجمال
ونظامك رأس مال .: بيعيلّا لفوف مقامك

...

واصحي للنظام
ووحده العلامة

...

موال

قالوا النظام هندسة أنا قلت جامعة مدرسة سر النظام فيها..
قانون ومنذ الأزل عارفينه كل الدول حتي ف مبانيها..
وعيون صبيه تقرما جب علي شط بحر الجمال منظمة الكحل في عنيتها..
أصل النظام واجب سر النجاح والفلاح حتي ف حياة الأمم..
نظامها يرفع مقامها يزين محاسن جمالها تسبق خطاويها..



قالو تحب الجمال أنا قلت طبعاً بعشقه واحب أميل نواحيه..
وأعشق جميل الطبع والحلو الأصيل اللي كل المحاسن فيه..
أنا أصلي غاوي الجمال والحلو خفيف الروح مبخلش بحياتي عليه..
لو يطلب نجوم السما أنا من غير جناح الروح مبخلش بحياتي عليه..
لو يطلب نجوم السما أنا من غير جناح أطيّر وأجبهاله..
وأفتح له قلبي وأضحه وأخاف عليه م الحسد أبخر وأوارقيه..

اصحي ياعم خليل .: أنا بقول ياليل
رمضان كريم وجميل .: وجمال فاق الحد

...

وأنا بحب الصفا .: وجميل في قلبه وفا
نظره عنيه الدفا .: في حسنة ما في حد

...

وأنا أصلي غاوي الهوا .: وآبوا الجمال مستوا
في نظره عنيه الدوا .: من البعاد والصد

...

وأهوا جميل لو طل .: يشغل قلوب الكمل
وأحب زهر الفل .: وأعشق خدود الورد

...

زناتي المسحراتي

وأعشق جمال النيل .: وأهل الهواء والليل
وأبو العيون مواويل .: ناديت عليه ولارد

...

واصحي للجمال
ووجد ذو الجلال

...

واصحي يا عم وفيق .: يا بو صوت جميل ورقيق
أنغامه تبل الريق .: لو قال يا عيني ياليل

...

بتهوا الجمال إكمن .: بتحب الجمال في الفن
والعو عليك بيحن .: بلحن شرقي أصيل

...

غاوي السهر والأس .: يابو الجمال يتحس
جميل عزيز النفس .: في الحب مالو بديل

...

وأحلي ما في الأحلام .: لو راقت الأيام
وغرام يروح لغرام .: وجميل تحب جميل

...

وأجمل ما في الأحباب .: عشق ورضا وشباب
وعريس يدق الباب .: من بعد صبر طويل

...

واصحوا يا أحباب
ووجدوا الوهاب



سألوني عن جمال الطبيعية البديعة رديت وقلت لله في خلقه شئون..
الزرع أبدع في تكوينه وتلوينه حتي الشجر زوقوا بالورق وعصون..
وأنا بعشق الهي اللي صمم وهندس وفنن وابدع كل شيء في الكون..
نجوم وشمس وقمر ومن خدود الورد زوق بنات حواء..
والأرض جعلها ببساط خضار سندسي هندسي من كل شكل ولون..

أصحي يا نايم قوم .: قوم وحد القيوم
اتسحر عشان حتصوم .: يا ميت صلاه ع الزين

...

أشوف جميل الروح .. أدوب في حبه وأروح
وترد في الروح .: من كلمتين حلوين

...

أصحي يا نايم قوم .: إصحي قوام م النوم
قلب القلب مفطوم .: ع الفل والياسمين

...

صاحي مولع نوره .: حطلع لغاية دوره
اتهنني معاه بسحوره .: طبق خشاف بالتين

...

وأنا زناتي ومطلبي .: رضا الجمية مكسبي
ميلي يا حلوه إطلبي .: بدال الطلب ثلاثين

...

زناتي المسحراتي

واصحي للجمال...

ووجد ذو الجلال...

...

اصحي قوم يا بو رضا .: يا بو قلب مليون رضا

وإيمانه ملو العضنا .: فيه الجمال ألوان

...

وخذ الجميل عناب .: رمضان كريم ع الباب

ما أحلي لقي الأحباب .: لو جولنا في رمضان

...

وانا قلبي غاوي اللقا .: ساعة م أبص ألتقي

مؤمن جميل التقي .: في جبينه رضا الرحمن

...

جميل محاسنه بشوقو .: الناس جميعها بتعشه

أجري وراه عايز الحقه .: أحبه كمان وكمان

...

واصحي للجمال

ووجد ذو الجلال

موال

كلامي عن الجمال والجميل كلام من القلب له مغزا وله معني
كلام عن جميل الطبع والأخلاق ياريت صاحي بيتسحر وسامعنا
ويحكي لي عن جمال رمضان عن كرمه وبركته اللي قرب يودعنا
بحق دعوة أصيل وصوت مؤذن جميل بيدن الفجر ع المدنه
يدوم علينا الجمال ورمضان يعود بسلام وأنتم بخير معنا

عايزك يا صاحبي تكون مثال للأدب والزوق ومحاسن الأخلاق..
دا في الحديث الشريف والكتاب العزيز مذكوره وملاحم الشعراء..
وإن جيت تحقق طموحك والناس تحبك لروحك الرك ع الأخلاق..
وإنسان بلا أخلاق حيكوم دخيل ع الحياه ومالوش مكان بينا..
دا أخلاق المرء عنوانه ودليل نجاحه وفلاحه في كافة الأشياء..

إصحي يا بو الكرام .: بمناسبة الصيام..
أنا جاي لك م الأمام .: إسمعني تستفاد..
...

زناتي بنفسه جالك .: اصحي له وخلي بالك..
أخلاقك رأس مالك .: علمها للولاد..
...

في البيت وفي المدارس .: خليك عليها حارس
تحميك من الكوارث .: والحق والعناد
...

أخلاقك تبقي غايتك .: تحميك وتعلّي رايك
وتبقي حلوه سيرتك .: ما بين كل العباد..
...

واصحي للأخلاق

ووجد الرزاق

زناتي المسحراتي

رمضان كريم يا ناس .: في دوري أو في كاس
أخلاق الناس أساس .: من غير زلط وطوب

...

في أي ماتش كوره .: أخلاق الناس ضرورة
نبان في أحلي صورة .: قدام كل الشعوب

...

في بلدنا في مدنها .: أخلاقنا لازم نصونها
واللي ح يعيش بدونها .: إنسان مليون عيوب

...

وأما الأخلاق بتعلي .: حياتنا تبقي أحلي
ونكسب كل جولة .: في الغرب في الجنوب

...

واصحي للأعصاب

ووجد التواب

...

أخلاق بينا محمد في الدعوة للغسلام لازالت مضرب الأمثال..
واسأل كمان ع القمم سرف بقاء الأمم أخلاقها في كل مجال..
بند ف قانون الأدب أخلاقيا يا أهل لعجب مهوش كلام يتقال..
أخلاقنا فعل وعمل تغذي الفؤاد والروح زي ما قال جدي..
أخلاق في دينه تزينه تعينه دايماً تصونه من كل شيء بطل..

رمضان كريم يا سيد .: أخلاقك نوعها جيد
ياريت معاك نعيد .: دا يبقي أحلي عيد

...

لو الخلق الجميلة .: نلاقيها في كل عيله
حنعيش أيام جميلة .: مفهاش إنسان عنيد

...

أخلاق المرء رايته .: قدام الناس مرايته
بتبان لك فيها صورته .: لو شفته من بعيد

...

تصاحبه كمان لأنه .: أخلاقه حقه منه
الناس في حسن ظنه .: إدعي له يا شيخ وحيد

...

إلهي يعلي شأنه .: علشان جميل في رأيه
أخلاقه من مبادئه .: وبعلمه كمان يفيد

...

زناتي المسحراتي

واصحي للأخلاق

ووجد الرزاق

...

اصحي يا بو المحاسن .: ياللي ف شارعنا ساكن

وفينكل المحاسن .: أخلاق أدب وذوق

...

في القلب لك مكانك .: حافظ مقام لسانك

وبتعامل جيرائك .: باحلسني وبالهدوء

...

حلوة يا عم جيرتك .: بالخير بنجيب في سيرتك

مع جارك اللي تحتك .: وجيرائك اللي فوق

...

بأخلاقك يستباركوا .: وف أفراحك يشاركوا

ويجوا كمان يباركوا .: في جوازا بنك فاروق

...

أخلاقك واضحة فيك .: رمضان كريم عليك

أنزل لي أبوس إيديك .: بمحبة وأحلي شوق



عايز تكون محبوب إنسان جميل مرغوب والناس كثير تهواك..
مفيش مشاكل تواجهك والناس تجي لك تجاملك ويفرحوا لرؤياك..
وتلاقي راحتك وذاتك وتعيش سعيد طول حياتك والعيب كمان عداك..
وتوصل نهاية منك وتعيش خلي البال تبقي مفيش زيك..
خلي إيمانك رصيدك عشان حياتك تفيدك أخلاقك تكون سباقك..

واصحي للأخلاق..

ووجد الرزاق



قالوا القناعة مناعه أنا قلت ضد الطمع وف سائر الأوضاع..
أحب صاحبي يكون راضي قانع برزقه ملهش في الحياه أطماع..
سيرته الجميلة أحلي غنوه رضا تملأ النظر والقلب والأسماع..
ويرضي بقليله دائماً ييوس إيده صبح وضهر وش وضهر..
رزقه بيحي له لحده بشرط يكون قانع برزقه ومش حاقد ولا طماع..

اصحي يا حاج ماهر .: يا بو القلب اللي طاهر..
رمضان خلاص مسافر .: وحيجي في المعاد..
...

يا بختك بيه يا سعدك .: بركته باقيه عندك..
ياللي قانع برزقك .: إصحي وصحي الولاد..
...

إنسان طيب في حالك .: بتاكلها من حلالك..
لقمة من حرمالك .: مش جايه من فساد..
...

قناعتك من سلامتك .: وسعادتك من قناعتك..
والسر في إبتسامتك .: رضا رب العباد..
...

واصحي للكلام

ووجد العلام

زناتي المسحراتي

واصحي يا حاج زايد .: يا بو الشيمع اللي قايد..

إيمانك له فوايد .: قناعه ف كل شيء..

...

وعارفك من زمان .: إنسان مليون إيمان..

في القلب لك مكان .: ولا الأخ الشقيق..

...

من وانت في الرضاعة .: جواك همه وشجاعه..

في الزهد والقناعه .: سابقينك في الطريق..

...

لو ناييم ع الحديد .: مش لاقى هدوم جديدة..

عزة نفسك شديدة .: حتشدك م الفريق

...

واصحي يا إنسان

ووجد الرحمن

...

واصحي يا بو الجناتل .: من غير عرقك بتاكل..

مفيش عندك مشاكل .: إنسان طبعك جميل..

...

علي قد حال إيرادك .: رببت يا خالك ولادك..

قنوع سعيد بزادك .: كتير كان أو قليل..

...



زناتي المسحراتي

بذكر الله وصومك .: قانع برزق يومك..

بركات رمضان تصونك .: عشان مؤمن أصيل..

...

لا بصيت لرزق غيرك .: عشان راضي بقليلك

مسير الخير يجي لك .: يا بو القلب الأصيل..

...

واصحي يا اصيل..

ووجد الجليل

...

وياعم ربيع سرور .: يا بو قلب يشع نور

قوم إصحي للسحور .: يا بو الرزق الحلال

...

قوم إفتح ياللاً بابك .: م الخير جايب منابك

قناعتك فرحانه بك .: عشان طيب يا خال

...

مؤمن وميّه ميّه .: نفسك راضية أبيّه

تعسها لو بيه .: وراضي بكل حال

...

أخوك بخيت جيبك .: باعت لك دول نصيبك

قرشين شلهم في جيبك .: مع كسوة العيال

...

واصحي للحلال

ووجد ذو الجلال

افتع برزقك واشكر الرازق المعبود في كل ثانيه تفوت..
ولا تطمع في حق جار أو أخ وبالجشع والطمع إزاي تعيش مبسوط..
ده الرزق نعمه واهبها الخالق المعبود صاحب الملك والملكون..
إمشي في طريق القناعة يا صاحبي وارضي بقليلك مسير القليل بكثير..
ما دام قناعتك دليلك رزقك يجي لك لو كان في بطن الحوت..

واصحي للأرزاق

ووجد الخلاق



قالوا الأمانة شرف أنا قلت طبعاً كدة مش عايزة أي دليل..
واللي يصون الأمانة ده يبقي بين البشر إنسان وطبعه جميل..
واللي أمين في المعاملة وأمين كمان ع السر عربي اللسان وأصيل..
أنا زناتي وحياتي الأمانة في الكلمة وعمرى م أخون مخلوق..
عشان في قلبي الأمانة حصانة ضد الخيانة والكذب والتضليل..

خليك أمين في كلمتك .: خليك أمين في شغلتك..
تلقى السلامة ف سكتك .: يا بو الاصول يا عمنا..

...

إصحي وقوم إصحي بقه .: دا اللي بيتعب يلتقى..
قالوا الأمانة من التقي .: تجلب لنا الخير والهنا..

...

متخنش أبداً من بدا .: عليك كدة واللا اعتدا..
خليك أمين طول المدا .: أصل الأمانة ف دمنا..

...

زي ما قال الشيخ حسن .: م القلب ولسانه الحسن..
إن الأمانة شيء حسن .: مذكورة في كتاب ربنا..

...

زناتي المسحراتي

وان الإله أما اصطفي .: سيدنا النبي المصطفي..
كانت الأمانة له صفه .: وصلت لغاية عندنا..
...

واصحي للأمين..
ووجد المعين..
...

وامين يا معلمي .: يا رمزي ومعلمي..
أفرش لك سلمي .: من قلبي الملحمي..
والحب والزهور..
...

أمين وعند قولك .: أمانتك من أصولك..
لو سري قلتهولك .: سيرته متجيش في قولك..
مهما الزمن يدور..
...

لو جالك حتي مين .: وقالك كلمتين..
عارفينك من سنين .: السرف بير أمين..
وضارب للجدور..
...

أحلف لك بالأمانة .: قلبك صندوق أمانة
مفهوش ريحة الخيانة .: إتفضل قوم معانا
في منتهي السرور..
...

زناتي المسحراتي

أمين وبيتنا بيتك .: من أول م التقيتك
ولولا أمين م جيتك .: بنفس لحد بيتك
وعز متنع السحور

...

موال

عرفنا ناس يا زمن صفة الأمانة ف دمهم من الألف للياء..
عملوا الأمانة سكن عاشو حمي للوطن وصانوه من الأعداء..
تأمينهم علي أرضك علي بيتك علي عرضك علي كافة الأشياء..
ناس مفيش منهم تشيل أمانتك عندهم تزيد متنقصش..
ويادوا الأمانة بأمانة دامياً في حسن الظن وآيه في الأخلاق..

واصحي للخوان

ووجد الرحمن

...

يا بو الأمانة .: خليك معنا
افتح لي خانه .: في دوسية أمين

...

حفضني درسي .: أمن لي نفسي
من شر نفسي .: والمعتدين

...

زناتي المسحراتي

ويا أهل حيّ .: امانتي ضيّ
خليكوا زيّ .: يا موحدين

...

فيكوا الأمانة .: عالية المكانة
من غير خيانة .: ومن سنين

...

ع الطبلّة أنادي .: في كل وادي
وحياة ولادي .: يا مؤمنين

...

أنا آمتي .: سبحة ف رقابتي
ترفع لي قامتي .: سورة ياسين

...

واصحوا يا مسلمين
ووجد الأمين

...

ويا عم الشيخ عطا .: يا بونيه مظبطه
حلفتك بالأمانة .: شيل عنك الغطا

رمضان كريم يا خال

...

الناس بيقدروك .: في بلدنا بيعرفوك
اللي يآمنك تآمنه .: ولا خنت اللي يخنوك

ملكش في الضلال

...

زناتي المسحراتي

أمانتك ساكنه فينا .: وسيرتك في المدينة
أمين ع الدين وبيتك .: حتي زوجتك أمانة
عليك وع العيال

...

وابنك عبد البصير .: أمين مالوش نظير
جدع طالع لبوه .: مع أنه كمان غفير
ولا عنده رأس مال

...

وأخوك الحاج جادو .: أمين والتقوي زاده
وصل لنا الأمانة .: وكان معاه ولاده
أمين وأخوه جمال

...

موال

كان لي صاحب جدع في قلبه فاتح بنك للسر والأمانات..
يصون لي سري وسرك وسر الناس وسر الوطن بالذات..
سألته قاللي خللي الأمانة في حياتك فوق كل لعتبارات..
وآمن اللي يآمنك ولا تخن من خاتك خليك أمين علي طول..
أصل الأمانة ف شرعنا كانت دليل الرسل في الدعوة للديانات..

واصحي للأمين

ووجد المعين

...

جبر الخواطر يا صاحبي همزة الوصل الجميلة ما بين الناس وبعضها
تقوي الروابط ما بين فقير أو غني والإنسانية تنميها وتحميها
ولو مالت ما بينا جدران المحبة جبر الخواطر يعد لها ويبنيها
أنا أحب جبر الخواطر وأحب أشارك وأشاطر في الشدة وفي الأفراح
وإن شفت شجرة عطشانه أجبر خاطرها وأشيل الميه م البحر وأسقيها

اصحي يا حاج مسعد .: يا بو القلب اللي مسعد
جبر خاطرك بيسعد .: الناس المحتاجين

...

مريض تمسح مدامعه .: تفضل يا خال متابعه
تخفف نار مواجهه .: بالعطف وبالحنين

...

أنا لما غلبنى أمري .: وفاض م اليأس صدري
جيت لك جبرت خاطري .: بأحلي كلمتين

...

صحيت فيه الأمان .: الغايب من زمان
ولقيت بر الحنان .: والناس الطيبين

...

واصحي للحنان

ووجد الرحمن

زناتي المسحراتي

أجبر خاطر ولد .: من أول ما أتولد
مسكين مالوش بلد .: وتايه ع الرصيف

...

إعطيه لمسة حنان .: هيحس بالإمان
واحمية من الزمان .: اجبر خاطره الضعيف

...

والمؤمن اللي قادر .: يكسيه لو هوه قادر
علي جبر كل خاطر .: بلقمة من رغيف

...

إعطيه أمل جديد .: أكيد حيكون سعيد
يطلع إنسان مفيد .: في الدنيا يعيش شريف

...

واصحي لليتيم

ووجد الكريم

...

إصحوا يا أحبه .: جبر خاطر محبه
وحسنه مستحبة .: في السر في العلن

...

زناتي أصله منكم .: مجبور خاطره بحنانكم
مفيش في الحي غيركم .: ع العاشق يؤتمن

...

زناتي المسحراتي

مغلوب في الحب أمري .: يا مين يجبر بخاطري
م تصحي يا حاج عمري .: إحميني من الشجن

...

م الجيزة جاي عشائك .: قوللي فين مكانك
إفتح لي باب حناك .: يا بو الوجه الحسن

...

واصحي يا حاج نور
ووجد الغفور

...

اصحي يا حاج صابر .: يا بو القلب اللي نادر
جبرت الف خاطر .: في شهرنا الكريم

...

أنت والحاج جاد .: خيركم فاض وزاد
بتكسوا في الولاد .: البائس واليتيم

...

لقتنوني جالي باكي .: بردان حزين وشاكي
جبتولي بد له كاكي .: بدعي بضمير سليم

...

يارب إجبر خاطرهم .: وبارك خط سيدهم
وتكون دائماً نصيدهم .: إوعدهم بالنعيم

...

واصحوا يا مؤمنين
ووجد المعين

يا جابر خواطر عبادك بالسماح والرضا والعفو والغفران
إجبر خاطرنا يسر أمورنا إحمينا من الغلط والسهو والنسيان
جبر الخواطر عليك نتمني توعدنا بالجنة والنصر ع العدوان
يارب يا خالق الأرض والسماوات وخالق الإنسان واکرمته
إكرم خاطرنا إرزقنا وإنصرنا بحق صلاتنا وصيامنا في رمضان



موال

موالي عن الوطن موال في لون الورد منه العبير بيفوح..
ده هوّه سكناً وأملنا وأحن قلب لنا وعلي الدوام مفتوح..
خيرنا من خيره كتر خيره بيضمنا في الفرع وفي البكا والنوح..
لو إعتدي عليه مخوق أنا اللي أكون الفدا وأنا اللي أضحي له..
بولدي ومالي والعمر في سبيله يهون وأفديه كمان بالروح..

اصحي يا شلبي .: صوتك في قلبي
بتلبيّ طلبي .: علي الحدود

...

صاحي لأمورك .: ثابت حضورك
ومعاك سحورك .: يا بو الجنود

...

وطنك مكانتك .: عنوان رسالتك
خليه أمانتك .: يا بو السعود

...

أصحي لمكانه .: ضحي علشانه
من غير أمانه .: ملناش وجود

...

زناتي المسحراتي

واصحي للحدود

ووجد الموجود

...

واصحي يا دفعه .: يا بو همّه روعه

م تقوم بسرعة .: واسمع زناتي

...

أصلك يا هذا .: جاي من أجازة

سحور وظازه .: عملاه مراتي

...

ام تمد إيدك .: وخذ نصيبك

وطنك حبيبك .: ده نور حياتي

...

أكل في عيشه .: أندم في جيشه

ودخيل أحوشو .: بمدرعاتي

...

واصحي للأوطان

ووجد الرحمن

...

واصحي يا جندي .: يا غالي عندي

وعندي بدلي .: علي الدوام

...

زناتي المسحراتي

وطني وعزيمتك .: بتقوي هامتك

بتعليّ قيمتك .: أصلك همام

...

حارس ترابه .: أنت وشبابه

واقفين ببابه .: صاحين تمام

...

جايب سحورك .: وخلوا بالكم

علشان خاطرکم .: تعظيم سلام

...

واصحوا يا جنود

ووحدا المعبود

...

وياللآ يا اسطه .: إرسم بي خطه

نزلني طنطا .: وحياة أبوك

...

وضب أمورك .: وخذ سحورك

وقيدلي نورك .: أنا برضه أخوك

...

دفعه وفدائي .: بعن ولائي

وأحرس سمائي .: م اللي يعادوك

...

زناتي المسحراتي

رمضان مروّح .: وأنا حروّح
لو جيت نروّح .: راح نعزموك

...

واصحي يا سواق
ووجد الرزاق

...

موال

قالوا الوطن بفرح بناسوا لو كانوا ناسوا ع الصراط ماشيين
فاتحيين بيان الأمل للوطن إيمان وحب وعمل وكفاح بعزم متين
وأياي تزرع شجر أياي تجمع ثمر تجيب الذهب م الطين
يا كل خلق الله حب الوطن غالي خافوا علي شعوره
ده اللي بلا وطن بيتوه لا يعرف إن كان رايح واللاً جاي منين



أوعي يا صاحبي يغرك جاه أو مال واللاً الشيطان يغريك
خللي إستقامتك دليلك رزقك يجيلك ربك من وسع يعطيك
أنا أحب أشوفك مستقيم بعيد عن العيبه عن أي شيء يأذك
أديني ورقة وقلم أكتب لك يا صاحبي مثل قالهولي أبويا زمان
يابني إستقامتك وسلامتك إمشي ف طريقك عدل يحتر عدوك فيك

اصحي يا مستقيم .: يا بو القلب السليم
وأرق من النسيم .: وسيرتك أبها

...

لا سمعنا إنك سرقت .: نصبت او نهبت
قتلت واتحاكمت .: وتأبيده خدنها

...

لا عملت شيء مشين .: أمثال الواد حسين
عشان إنسان أمين .: كرامتك صنتها

...

بعيد عن الندامة .: عديت بر السلامة
وعشقت الغستقامة .: وبقيت من أهلها

...

واصحي يا مستقيم
ووجد العظيم

زناتي المسحراتي

اصحي يا شيخ إمام .: بمناسبة الصيام
إسمع أجمل كلام .: ع المرأ لو إستقام
وتاب عن الذنوب

...

يقبل توبته ربّه .: يقف بعنايته جنبه
التقوي تملأ قلبه .: وكل الناس تحبه
م الشرق للجنوب

...

وعباده اللي إستقامو .: وصلوا كمان وصامو
وسهروا الليل ما نامو .: في بحور التقوي ها هو
بالروح وبالقلوب

...

واصحي يا شيخ حسين
ووجد المعين

...

واصحي يا بو النجا .: أنا جاي للأهن آجا
حتسيب البلطدة .: وحتمشي مستقيم

...

عشان تضمن سلامتك .: وتتهني بإستقامتك
بتمني تكون نهايتك .: في جنة النعيم

...

زناتي المسحراتي

م غلظت ألف نوبه .: يا عم كفاية توبه
خليك بن العروبة .: المؤمن العظيم

...

اللي إستقامته ذاته .: والنابعة من حياته
وغايته وأمنياته .: ينول رضا الكريم

...

واصحي يا شيخ سليم
ووجد العظيم

...

اصحي يا سلامة .: يا رمز لستقامه
والعزة والكرامة .: والتوبة ولعتدال

...

ابن بلد تمام .: لا حق تستقام
عشان ابن الكرام .: من أحسن الرجال

...

جايب لك إيه معايا .: حلاوة الهدايا
السبحه والعصايا .: وكسوة العيال

...

وبعون الله تعالى .: الهادي ذو الجلالة
حفتح لك البقاله .: وتاكل من حلال

...

واصحي للحلال
ووجد ذو الجلال

أحب أشوفك يا صاحبي بعيد عن طريق الإنحراف والشر
تمشي ف طريق السلامة من غير قيود أو مذلة في طريقك حر
وتكون مثال لستقامة لا تصغر مخلوق ولا انت كمان تنضر
ده ياما ناس قبلك يا صاحبي عادوا للصواب من أوسع الأبواب
بعد مارسيت مراكبهم التايهه علي أجمل واشرف بر



عن السعادة حغني واقول كلام م القلب من أحلي وأجمل قول
ع اللي إيمانه قوي مخلص في عمله قوي عايش سعيد علي طول
في عز يأسه ببيضحك والضحك يمحي الهموم من أي بال مشغول
أنا منا يا اشوف السعادة مالية القلوب وجوه العيون واضحة
أصل السعادة نعيم بتدي للحياه بهجة والعمر كمان بيطول.

اصحي يا عم نصحي .: يا بو القلب الفراحي
بنادي من جوارحي .: يا عاشق الفكاهة

...

من قلبك العمار .: بتضحك ليل نهار
والنكتة تقولها نار .: مفيش في مستواها

...

لو صابك أي شدة .: وفكرك جابوب ووده
في ظرف ليله واحدة .: بتذوق يا بو النباهة

...

بالبسمه تدوب مشاكلك .: إلهي يعز أصلك
فيه ناس كتير كمثلك .: الضحك يا خال دواها

...

واصحي يا سعيد

ووجد المجيد

زناتي المسحراتي

واصحي يا حاج لولي .: كل أصحابك قالولي

إنك راجل اصولي .: بتحب تكون سعيد

...

وكل الناس سعيدة .: والباقي والوحيدة

لابسين هدوم جديدة .: بيقضوا أحلي عيد

...

وملكش في الكآبة .: حبيب كل الغلابة

في الجيزة في إمبابة .: وبنها وبورسعيد

...

اصحي يا خال وقوم .: يكفيك شر الهموم

والضحك عليك يدوم .: إنت وإبنك وحيد

...

واصحي يا كُيب

ووجد المجيب

...

قوم اصحي يا مبسوط .: في طنطا في أسبوط

طعم الحياه مظبوط .: اصحي يا عم وقوللي

...

عايش سعيد علي طول .: بالك مهوش مشغول

تسحر بحبة فول .: وبنكتين تحلذي

...

زناتي المسحراتي

فاتح جميع لبواب .: للأهل والأحباب
مبسوط ولسة شباب .: بتذكي وبتصلي

...

واصحي يا فرحان
ووجد الرحمن

...

واصحالي يا عثمان .: أخوك رجب زعلان
وف ضحكتين عثمان .: يروق قوام ويفوق

...

وانت يا عم كريم .: في السعد لك مفاهيم
فكهي اصيل وقديم .: تزعل في ثانيه تروق

...

عشان كدة بنهواك .: والناس بتستناك
افتح لي لو شباك .: أطلع لغاية فوق

...

أغني وأقول يا ليل .: أقيد لك القناديل
وأضحك لآخر الليل .: وأنا في غاية الشوق

...

واصحوا يا مبسوطين
ووحدا المعين

...

أحب أشوف السعادة ع الوجوه واضحه ولا حد يتألم ولا يقول أي
والضحكة م القلب طالعه تقيدلي ميت ألف شمعة وأمشي انا ع المضي
وأنتم وأنا وكل الناس نضحك ونفرح فرحة ملهاش زي
أهل السعادة قالو لنا أن السعادة علاج الكآبة والغذا للروح
تضحك ح تضحك لك الدنيا وتسق زمائك والزمان الجاي.



خلّي التواضع دليلك يا صاحبي في حياتك وف سائر الأحوال
واحفض أصول التواضع لو كنت فعلاً أصيل الطبع وابن حلال
الناس تحبك تريدك تعزك منين ما نمشي في كل مجال
ده الكبر داء ووباء لو إتحكم في النفس لازم يدمرها
وتعيش ما بين الناس مكروه لا ينفعك جاه ولا حتي كتر المال.

اصحي يا حاج راضي .: يا بو القلب اللي راضي
عندك عزبة وأراضي .: وف منتهي البساطة

...

بتسلم ع المدير .: والواد عبده الفقير
وازد حمد الغفير .: بدون كبر والأطه

...

مع إنك ابن عمدة .: وجدك أصل عمدة
وفارش في الفراندة .: حصيرة ع البلاطة

...

وتتكلم وبصراحة .: بتواضع وبسماحه
وبتعمل اصطباحه .: بنص صباع بطاطة

...

واصحي للنفوس

ووجد القدوس

زناتي المسحراتي

واصحي يا بو الروس .: علي خاطر الناس تدوس
علشان معاك فلوس .: بتتكبر ع الجيران

...

عنك تبقي في عنيهم .: لا تبص ف نواحيهم
ولا ترمي سلام عليهم .: علشان جيبك ملان

...

ده المرأ من تواضعوا .: بيلقي الرزق تابعو
يتحسن برضه وصنعو .: وأحسن مما كان

...

خليك إنسان مسامح .: وتوضح تبقي ناجح
إنسان طيب وواضح .: توصل بر الأمان

...

واصحي للجيران
ووجد الرحمن

...

واصحي يا عبده أفندي .: متكبر ليه يا والدي
علينا كتير تعدي .: بتستخسر السلام

...

ده انت لا ابن بيه .: ولا وارث يعني إيه
مثلاً مليون جنيه .: ولا عالي في المقام

...

زناتي المسحراتي

ده حتي لو انت عالي .: وباشا ورأس مالي
خليك راجل مثالي .: وكلنا باحترام

...

التواضع من صفاتنا .: باينين عليه حياتنا
عارفينه أهل بيتنا .: عاشقينه ع الدوام

...

واصحي يا عبد السلام..
ووجد العلام..

...

رمضان كريم يا شادي .: ع الطبله عليك بنادي
إنسان طيب وعادي .: الكبر متعرفوش

...

تواضعك من محاسنك .: مطبوع في القلب رسمك
في سحورك جاي أقاسمك .: الباب مقفلتهوش

...

من أول ما رأيته .: بصيت لك التقيةك
كريم جداً في بيتك .: كرم مقدروش

...

زناتي المسحراتي

عجبتني فيك تواضعك .: وتواضعك من مابعك
حسيت بحسن طبعك .: وسماحة الوشوش

...

واصحي للكلام
ووحده العلامة

...

موال

قالوا التواضع صفه أنا قلت عين المعرفة كل الخلق عارفنها
تحمي النفوس من كابوس الكبر ومن كرة الخلق بتصونها
ده النفس العزيزة تواضعها ببيكون له أكبر أثر في أصل تكوينها
إياك يا صاحبي وداء الكبر خللي التواضع مبدأك علي طول
الناس تحبك وحب الناس يزيد النفس إحساس الرضا ويزنيها.



موال

أنا أحب جاري يكون جبني كما قلبي في الفرح والأزمات
ويحط إيده في إيدي وريده يحضن ويريدي ويأكدوا العلاقات
ده أنا جاري أقرب لي مني ومن عمي ومن خالي من جميع لخوات
ولودب بينا خلاف نروح سوا للنور نقعد نلم الدور
نتصافي ونتصالح وندوبّ جليد الغضب ونقرب المسافات

اصحي يا جارنا .: رمضان في دارنا
شرف ديارنا .: وبخير عاده

...

ونجاتي جارك .: وداره دارك
من نفس كارك .: عشرة جهاد

...

سكان عنيّه .: صبح وعشيّه
تسأل عليّ .: يا عم جاد

...

انت وجيراني .: بستان حناني
غنوه ف لساني .: موال وداد

...

زناتي المسحراتي

نبض ف غيديه .: بتحس بيه
وكتف ميّه .: وكتف زاد

...

واصحوا يا جيران
ووجدوا الرحمن

...

يا جيران شارعنا .: مدنة جامعنا
ليها ألف معني .: ساعة الأذان

...

في كل وقفه .: تجمعنا الفه
علي أحلي ضفه .: بر الإيمان

...

ونقومها قومه .: من احلي نومه
رايحين عزومة .: عند الجيران

...

وجيران احبه .: منجم محبه
موازننا طبه .: ورد وريحان

...

وجيرانا قصه .: معانيها خاصة
وبينا وصي .: ع الجار كمان

...

واصحي يا أحلي جار
ووجد الغفار

أنا احب جار الهنا يكون أصيل زينا يحفظ مقام جاره..
ويكون علي مستوا يخاف عليه م الهوا ويعز مقداره..
ولو مال عليه الزمن هبت عليه المحن لازماً يقف جاره..
أنا أصل طبعي كدة ولا أحب أقول غير كدة زي ما قال جدّي..
ده الجار ولو جار عليك يا جدع أهون من الغريب ناره..

واصحي يا صافي .: يا بو قلب دافي
مليون عوافي .: عليك يا جاري

...

أصحي ولا غيني .: بينك وبينني
أفراح تجيني .: لحد داري

...

وطبعك ملايكي .: لو مرة أشكي
من شدة أبكي .: الاقيك في جاري

...

بعزيمه جامدة .: بتكون لي سانه
ألاقيك يا عمدة .: شمس ف نهاري

...

وجيب جيرانك .: عالي في مكانك
سطان زمانك .: فكرك حضاري

...

زناتي المسحراتي

واصحي للجيران
ووجد الرحمن

...

يا شيخ عبد النبي .: يا جاري ومكسبي
قوم صليّ علي النبي .: ووجد الرحمن

...

جيرتك أحلي جيره .: سيرتك أحلي سيره
نفحاتك الكثيره .: معروفة من زمان

...

الخير دائماً في دارك .: في ليالك وف نهارك
بابك مفتوح لجارك .: وبقيته الجيران

...

وقلبك بيشع نور .: حطلع لك أعلي دور
تعزمني ع السحور .: وع الفطار كمان

...

وماشي خلاص مروّح .: قلبي ياسمين مفتوح
وباسم الله بسبح .: وأنا بسمع الأذان

يا عم ياللي بلا جار تعاله أما أعملك جاري ونتبادل الزيارات..
نفتح حدود المحبة ونبقي في السلم صحبه وبعيد عن النزاعات..
آه من جيران فاتحين علينا النار وليل ونهار يبلغموا الطرقات..
دا أحنا يا ناس ناس آمنا برسالة محمد لما نزل جبريل..
وصاه علي الجار بشدة لدرجة إنه كان حيورته لومات..

واصحي للجيران

ووجد الرحمن



العبد لو كان إيمانه دليله راح يفضل ع الدوام مستور
ما دام يؤدي فريضة ربنا بإخلاص خاطره يكون مجبور
إيمانه يفتح له في الشدة في الضلعة ميت ألف طاقة نور
خلّي إيمانك حصانك يصونك من الشر في البحر في البر
وكل طريق وإيمان النفس يزهرها يخضرها زي الزرع في الأراضي البور

واصحي للإيمان

ووجد الرحمن

...

إصحوا يا مؤمنين .: بالله وموحدين
بالجنة موعودين .: بمشيئة الله تعالى

...

ده المؤمن السليم .: والماشي مستقيم
وإيمانه من الصميم .: معايا له رسالة

...

داعي له دعوتين .: وجايب له من الحسين
عباية وسبحتين .: وطرحة لبنته هالة

...

واصحوا للإيمان

ووجدوا الرحمن

زناتي المسحراتي

واصحي يا حاج زايد .: إيمانك شمعوا قايد
في حياتك له فوايد .: بيعود عليك بخيره

...

عشان مؤمن بربك .: من فضله وكرمه حبك
فتح بهدايته قلبك .: رمضان ملاه بنوره

...

بعوده عليك تمللي .: بالذكر والتجلي
ده المؤمن المصلي .: بيسر له أموره

...

واصحي يا ابو منصور

ووجد الغفور

...

واصحي يا حاج نادر .: رمضان فوق المنابر
بيقول خلال مسافر .: بعودة يا مؤمنين

...

أعود عليكم وانتم .: أحلي وأحسن ما كنتم
بصيامكم وبإيمانكم .: بالجنة موعودين

...

حتوحشنا صلاته .: تراويحه وبركاته
وزكاته ونفحاته .: والناس الطيبين

...

واصحوا يا مؤمنين

ووجدوا المعين

زناتي المسحراتي

واصحي يا حاج نادي .: من بدري عليك بنادي
أحلف بحياة ولادي .: أحمد وأخوك خليل

...

إنك مؤمن بعملك .: كمان بحب وطنك
ومؤمن باللي خلقك .: نشاك من المستحيل

...

إيمانك أصله زادك .: وجدك وإجتهدك
بركة في قوت ولادك .: مش محتاجه لدليل

...

واصحوا يا مؤمنين

ووحّدوا المعين

...

اصحي يا حاج مؤمن .: عشان بالله بتؤمن
من شر الناس في مآمن .: دي الوقتي وع الدوام

...

جوالك إيمان وتقوي .: تخليك دايماً بتقوي
بايمانك أنت أقوى .: منصان من الحرام

...

واللي الإيمان في قلبه .: عناية الرب جنبه
تخلّي الناس تحبه .: ويعيش آخر إحترام

...

واصحي للإيمان

ووحّدوا الرحمن

الفهرس

م	الموال	رقم الصفحة
١	المقدمة	١
٢	حلقة الإخلاص	٧
٣	حلقة الصلح والسماح	١٢
٤	حلقة الصدق	١٦
٥	حلقة النجاح	٢٠
٦	حلقة فاعل الخير	٢٣
٧	حلقة الأم	٢٩
٨	حلقة عزة النفس	٣٤
٩	حلقة الصحاب	٣٨
١٠	حلقة الأخوة	٤٣
١١	حلقة المال	٤٨
١٢	حلقة العلم	٥٣
١٣	حلقة التعاون	٥٨
١٤	حلقة العدل	٦١
١٥	حلقة الحلال	٦٥

٧٠	حلقة السعي ع الرزق	١٦
٧٥	حلقة الصبر	١٧
٨٠	حلقة الكرم	١٨
٨٥	حلقة النظام	١٩
٨٨	حلقة الجمال	٢٠
٩٢	حلقة الأخلاق	٢١
٩٧	حلقة القناعة	٢٢
١٠١	حلقة الأمانة	٢٣
١٠٦	حلقة جبر الخواطر	٢٤
١١٠	حلقة الوطنية	٢٦
١١٤	حلقة الإستقامة	٢٧
١١٨	حلقة السعادة	٢٨
١٢٢	حلقة التواضع	٢٩
١٢٦	حلقة الجار	٣٠
١٣١	حلقة الإيمان	٣١